



Van Huffelen
ta elabora riba
planificacion di
agenda di ehecucion
pa Caribe Hulandes
pa 2024

Destruccion di naturalesa na ex-Isla di Oro por ta considera como ecocidio



Pagina 3

- **Despues di 20 aña, famia ta conta di desaparicion di nan yiu na Aruba**

Pagina 3

- **A tira hoben di 17 aña na Mandolinstraat**

Pagina 4

- **Gobierno a firma acuerdo cu N.V. ELMAR pa uso di**

Pagina 6

Prome minister Haitiano, Ariel Henry ta anuncia su renuncia



Pagina 11

Nuebe sospechoso ta enfrenta corte pa traficacion di droga via seaport na Corsou



Pagina 8

Lima ta bira anfitrión pa Weganan Panamericano 2027



Pagina 17

Despues di 20 aña,

Famia ta conta storia di desaparicion di nan yiu na Aruba



Despues di casi 20 aña di curason kibra y un caso di FBI cu a keda friu, un famia di Livingston County ainda no tin husticia pa nan yiu cu a desaparece na Aruba. Aworaki nan ta conta nan storia den un docuseries cu speransa cu nan por haya un fin na e storia.

Den un articulo di e medio internacional Livingston Daily, famia DeVries ta conta nan storia di nan vakantie cu nan a tuma na Aruba na 2004 na unda despues di e vakantie, un di nan familiar no a bolbe cas nunca mas.

Max DeVries, ken tabatin 14 aña di edad na e momento ey, a desaparece durante un paseo di jet ski cu el a tuma cu un otro huesped di hotel. E famia a regresa sin dje na nan cas na Brighton Township, despues cu polis di Aruba a stop e buskeda riba lama.

Un detective local di Livingston a bisa e famia cu tin evidencia di "foul play", cu ta nifica cu ta trata di un posible asesinato, y cu FBI mester habri back e caso di Max.

Dos episodio di un docuseries nobo di Paramount+ "Nunca Mira Otro Biaha" ta dedica na duna claridad na e desaparicion misterioso di Max na Aruba y e posible participacion di dos homber Mericano, cu e famia a conoce, durante nan vakantie. E docuseries a sali riba e servicio di streaming ayera 12 di maart.

"Max tabata hoben," Yvonne DeVries, mama di Max, a bisa e portal Livingston Daily diamars. "Pero e tabatin un alma hopi bieue."

El conta cu e tabata rapido den su contesta y por a desaroya computer. Como estudiante na Scranton Middle School, e tabata extrovertido y tabatin hopi amigo.

El a sigui conta cu aworaki e ta bay na casamento di e amigonan di Max y aunke e ta contento pa nan, na mesun momento, e ta para cu lagrimanan na wowo pasobra nunca e lo tin e baile ey cu su yiu.

DeVries a bisa cu Detective Cory Williams, ken tabata traha cu Polis di Livonia na e momento ey, a haya atencion di FBI algun aña despues di desaparicion di su yiu. Mientras FBI tabata investiga, e caso a keda friu despues cu investigadornan a wordo asigna na casonan di terorismo.

"Na e punto aki, loke nos ta trata di haci ta pone presion riba FBI pa reactiva e caso," Williams a bisa. "Esaki no ta cera. E ta djis keda para riba un reki."

E vakantie e aña ey tabata e prome biaha cu famia DeVries tabata bishita Aruba. Lamentando ainda e morto di e esposo di Yvonne, George, tata di Max, e famia a tuma e biahe pa celebra a traves di e prome aña di nan tristesa.

Yvonne a remarca cu e no ta contento con polis di Aruba a trata e investigacion. El a bisa cu e ta kere su yiu lo por a wordo influencia (groomed). Y el a bisa cu e storia "tabata cambia."

Williams a traha riba investigacion di crimennan contra muchanan pa decadas manera un detective retira di Livonia y Wayne County. Actualmente e ta investiga abuso di clerigo pa e Diocesis Catolico di Lansing y Detroit.

Sinta dilanti Yvonne algun aña despues di desaparicion di Max, el a revisa declaracionnan policial y a haci checkeo di record criminal y su señalnan di alarma a zona.

"Mi a nota incoherencianan sobresaliente di loke a sucede cu Max riba awa," Williams a bisa.

El a nenga di divulga detayenan na Livingston Daily di loke el a haya for di e chekeonan di record criminal, pero e ta papia di esaki den e docuseries.

Den e show, el a bisa cu e homber mas grandi a wordo aresta decadas prome pa supuesto crimennan contra su yiu adoptivo, e hoben cu e tabata di biahe cune na Aruba.

E portal ta indica cu e docuseries tambe ta muha un muhe no identifica cu ta bisa cu un biaha e tabatin un relacion cu e hoben y a menciona un otro muhe no identifica cu tambe a bisa cu un biaha e tabatin un relacion cune. Yvonne a bisa cu el a papia cu tur dos muhe ariba comentarioman sospechoso tocante un mucha homber cu a desaparece na Aruba.

Williams a traha cu productor di "Nunca Mira Otro Biaha", James Ellis prome riba un docuseries di Investigation Discovery na 2019 "Muchanan di Sneeuw," di cual Ellis tabata un productor asocia. "Muchanan di Sneeuw" ta investiga e secuestro y asesinato di cuatro mucha na Oakland County na e añanan 1970, cual ainda no ta resolvi.

"Nos ta trata di difundi e palabra pa haci e storia di Max conoci, pa haya e un persona ey cu kier yuda, pa bolbe habri su caso," Yvonne a bisa. "No cu esaki lo trec'e back, pero pa esaki no sucede atrobe."

"Mi ta spera cu loke a sucede cu Max, a pasa lihe," el a bisa y el a agrega tambe loke e ta spera ta cu el a drenta directamente den brasanan di su tata na shelo.

Yvonne a bisa cu e kier un fin na e storia.

Potret: Livingston Daily

Destruccion di naturalesa na ex-Isla di Oro por ta considera como ecocidio

Un potret di un usuario di rednan social a causa conmocion na Aruba: tabata un imagen devastador, un imagen caminda a expone un daño ambiental den un area protegi pa ley, den un area cu ta contene especies marino cu ta representa e naturalesa di Aruba y cu lamentablemente, no ta parece di ta importante pa algun compania desaroyado di proyecto.

E imagen di un mashin destrosando un area cu mangelnan pa por realisa un construccion na ex-Isla di Oro a causa desapunto den comunidad di Aruba dialuna ultimo. En conexion cu esaki, redactor di Bon Dia Aruba a tuma contacto cu Fundacion Parke Nacional Aruba (FPNA), na unda Natasha Silva, ken ta fungi como Chief Conservation Officer a splica cu na e momentonan aki e trabaonan pa e proyecto aki a para ora cu nan a bay bishita e area pa haci un quickscan.

Nan como FPNA nunca a duna e aprobacion pa e desaroyo aki, pa motibo cu ex-Isla di Oro ta un area protegi pa ley cu ta cay bao maneho di FPNA. Mangelnan ta un especie protegi pa ley y e area tambe ta cay den 'Natuur Gebied' Nieuwe aanwijzing domeingronden als natuurreservaat (AB 2020 no. 67) y Ruimtelijke Ontwikkelingsplan met Voorschriften 2021 (AB 2021 no. 123); mientras cu e isla mes y e lama ta cay den Marine Protected Area (MPA) esta Landsbesluit Parke Marino (AB 2018 no. 77)

Adicionalmente, e area aki tin reconocimiento internacional como un Key Biodiversity Area (KBA) door di IUCN y ultimamente a wordo clasificada como un RAMSAR gebied (RAMSAR Site no. 2526) – dunando e area akinan mas balor ainda y den e caso aki, segun Silva ta expresa a nenga diferente parti di ley pero asina mes e desaroyado a continua cu e trabounan dañino pa naturalesa sin permiso.

Silva tambe a sigura cu nan abogado ta trahando riba e caso aki pa wak kico ta e siguiente pasonan legal cu nan ta bay tuma, “nos sa cu DOW y DIP ayera cu nos a entrega un bezwaarschrift e trabounan no a sigui, awor nos mester scucha back tambe di Gobierno di Aruba kico



e status ta awor y con nan ta bay sigui,” el a bisa.

Informacion cu FPNA a ricibi ta cu no tin un aanlegvergunning y cu esey ta evaluando pasonan legal.

Na cierto paisnan na Europa a cuminsa regla nan leyman pa loke ta trata ‘Ecocidio’ na november di 2023 Union Europeo a acorda di crea un delito nobo cu ta pretende castiga e dañonan mas grave contra medio ambiente, na Aruba e dañonan cu ta haciendo den e area aki por ta considera como un ‘Ecocidio’ pa motibo cu ta trata di de-

struccion di naturalesa, ademas Silva a afirma cu esaki no ta prome biaha cu FPNA tin problema cu e compania desaroyado aki cu ta J.O.B Holding & Management “pa hopi aña nan mester ta na altura di kico ta naturalesa, cua ta nos naturalesa protegi, dicen eigenlijk nos ta protege e area aki y kico ta nan balor, nos tin e area di mangrove banda di Aruba Ocean Villas y nan sa kico ta e balor pasobra hasta nos a bay Corte pa e situacion ey, kiermen nan no por bisa cu nan no sa,” el a sigura.

Igualmente Silva a trece di-

lanti cu nan por a compronde cu e persona cu tin tereno erfpacht no kier tin erfpacht mas y tabata buscando e oportunidad pa por bende e tereno na otro hende, “nos a tuma contacto cu DIP pasobra nos tabata preocupa cu e situacion aki y nos a sinta cu nan na augustus di aña pasa y despues di e reunion nos a manda DIP un carta bisando cu di ningun manera nos lo bay di acuerdo cu desaroyo di Isla di Oro, pasobra e isla mes ya cu e ta erfpacht bo por compara esaki cu e erfpacht di Parke Arikok, pero esaki di isla di Oro ta den lama, den Parke Marino kiermen

e situacion di Arikok ta mesun cos, bo tin un erfpacht y bo no por haci cualkier cos, e no ta manera un tereno priva pafo di un area protegi, bo tin hopi regla cu bo mester tene na cuenta cune.”

Den november 2023, J.O.B. Holding & Management a tuma contacto cu FPNA y a haya invitacion pa bay un meeting pa compronde kico ta e intencion cu Isla di Oro. Dia 4 di januari 2024, FPNA a responde na J.O.B. Holding & Management cu un carta unda cu a indica cu no ta bay di acuerdo cu ningun desaroyo pa Isla di Oro.

Siguientemente dia 18 di januari 2024 J.O.B. Holding & Management a invita FPNA conhuntamente cu otro organisacionan local pa un stakeholder engagement session unda cu nan a informa cu nan lo ta haciendo diferente trabounan riba Isla di Oro pero sin a presenta un plan concreto cu por ser revisa. No obstante e posicion di FPNA no a cambia.

Na november di aña pasa e area aki a cuminsa forma parti di Convenio di Ramsar Area bao e parti di Costa Zuid e cual ta un di e areanan cu mas biodiversidad, status di Ramsar tin como meta pa proteha e areanan aki sin interveni cu actividadnan economico, enfatisando reduccion di daño y restauracion di naturalesa den caso di daño cu ta inevitabel.

Pa loke ta trata e construccion mes, Silva a menciona cu e desaroyado no a mishi cu e ruinan bieu cu ta di concreto pero nan a kita esun cu ta di metal y nan a trece hopi sako di santo blanco caminda dialuna mainta nan a basha full e santo blanco pa crea un beach.

“Nan a dañe mangrove cora y esey tambe ta contra ley,” Silva a bisa y tambe a agrega cu nan como fundacion ambiental nan deber ta trek esaki y follow up tur cos cu e desaroyado no mag di haci.

El a trece dilanti cu FPNA ta comprometi na e proteccion di e area importante aki – e unico area na Aruba unda ainda ta wak e ‘Poder di 3’ conecta na otro sanamente, esta e mangelnan, yerbe di lama y e rifnan di coral – 3 diferente sistema ecologico crucial cu hunto ta provee un variedad di beneficio pa e ser humano y Aruba su medio ambiente.



A tira hoben di 17 aña na Mandolinstraat

Mediante un comunicado pa prensa, Cuerpo di Polis a informa cu ayera diamars den oranan di madrugada pa mas o menos 1:28 central a haya notificacion di un caso di tiramento na Mandolinstraat.

E prome rapport a indica cu e tiro lo a alcanza un hoben di 17 aña, na e momento ey central di polis a despacha patruxa policial di biaha na e sitio como tambe ambulance.

Na yegada di e patruxa a haya cu un hoben herida, segun por a compronde cu probablemente un auto di marca KIA Rio color shinishi lo mester a para dilanti e cas na Mandolinstraat y lo a los un



tiro. E tiro lo a alcanza un hoben na su curpa e cual tabata pafo di e cas.

Ambulance a presenta na e sitio y personal di ambulance a duna asistencia medico na e victima y despues a transporte cu maximo urgencia pa hospital. Autoridadnan a informa cu e hoben su situacion ta critico stabiel. Unidad di polis riba caya a cuminsa cu e buskeda pa cu e auto en cuestion, segun nan a indica.

Departamento di recherche a presenta na e sitio y polis tecnico pa asina haci nan investigacion igualmente tambe a notifica Departamento di Slachtofferhulp.

Famia di turista Colombiano cu a hoga na Aruba ta pidi ayudo financiero pa cubri gasto

Recientemente varios medio di comunicacion local a publica e tristo noticia cu un turista hoben, Sergio Nicolas Castillo, cu tabata disfrutando di su vakantie na Aruba hunto cu su pareha y amistadnan, a fayece pa motibo di hogamento na un beach.

Na e momentonan aki, famia di e fayecido ta buscando ayudo financiero pa por manda e curpa of shinishi di e hoben back pa su pais, y pa paga e factura di hospital, cu ta un suma di 20 mil florin.

Ariba pagina di Facebook di e

portal di noticia local, Noticia Impacto, e pareha y famia di e fayecido ta conta kico a pasa y kico e situacion ta.

Segun tanto e pareha y e primo di e pareha di e fayecido ta conta, cu tabata oranan di atardi pa anochi ora cu nan a haya e fayecido su curpa pa



drif den lama. Nan a sigui conta cu nan a logra reanima e persona na e sitio y ambulance a bin busk'e y hib'e hospital.

Na hospital nan a atende e persona, y pa motibo di su condicion, a ingres'e den e Intensive Care Unit. Lamentablemente e siguiente dia e pareha y familiarnan a ser informa cu Sergio Nicolas Castillo no ta recuperando, cu su cerebro ta hincha y finalmente a fayece atardi.

Aworaki e famia ta enfrente un factura di 20 mil dollar cu e hospital ta cobrando pa nan servicio brinda, sin conta e costo di manda e curpa of shinishi di e fayecido back pa Colombia.

A storia aki a capta atencion di medianan di comunicacion internacional y varios medio Colombiano a publica e storia y a haci un yamada na compatriotanan Colombiano pa yuda e famia aki pa por trece nan ser keru back pa Colombia.

CARIBBEAN SPEED PRINTERS N.V.

BONDIA ARUBA **ARUBA TODAY**

TA ANUNCIA

Relaciona cu celebracion di dia di Himno y Bandera

Ta participa cu **NO** lo tin edicion regular di Bon Dia y Aruba Today riba dialuna **18 di maart, 2024.**

Pa e motibo aki ta haci un suplica na tur esunnan cu ta desea di publica aviso den Bon Dia y Aruba Today pa diamars 19 di maart pa por favor entrega esaki no mas laat cu **diabierna 15 di maart** of sino via email: aviso@bondia.com prome cu 5 or di atardi

Gerencia

Feliz dia di Himno & Bandera



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroe (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstrop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Van Huffelen ta elabora riba planificacion di agenda di ehecucion pa Caribe Hulandes pa 2024



Comision fiho di Relacionnan di Reino a manda pa Secretario di Estado, Alexandra van Huffelen, un carta fecha 14 di februari 2024 pidiendo un carta di planificacion pa ehecucion di landspakket pa Aruba, Corsou y Sint Maarten pa 2024.

Ayera, contestando e carta aki, Van Huffelen a manda un carta pa Tweede Kamer na unda e ta splica cu e planificacion ta contene pa kwartaal carta-, regulacion-, rapport y otro documentonan, cu tambe a wordo manda pa Tweede Kamer. Van Huffelen a remarca cu solamente un parti di e documentonan ta disponible y cu e planificacion por cambia ainda.

E planning pa prome y di dos kwartaal ta inclui e agenda di ehecucion di landspakketnan di Aruba, Corsou y Sint Maarten no 1. pa 2024, ta inclui reforsa e rol coordinativo di BZK, inventarisacion di leyman y regulacion vigente pa Caribe Hulandes, discusion cu e Consejo Nacional di Hubentud tocante nombramento di un representante di hubentud pa Asuntonan di Caribe, actualisacion di resultadonan di conferencia di trabao di WolBES/FinBES.

E ta inclui tambe rapport di e bishita di Secretario di Estado na Aruba, Corsou y Sint Maarten den contexto di Acuerdo Mutuo di Cooperacion den Reformanan, e landspakketnan y fondonan di inversion.

E agenda di ehecucion pa prome y di dos kwartaal ta inclui rapportnan di ehecucion di landspakketnan di Aruba, Corsou y Sint Maarten No. 1 pa 2024, resumen di asignacionnan special di Caribe Hulandes, 47 y posiblemente 48 rapport di comision di progreso di Sint Maarten, rapport di evaluacion di politica di articulo 5 di e presupuesto di Relacionnan di Reino, actualisacion tocante reevaluacion di esfuersonan Hulandes den maneho di derecho di e paisnan Caribense di Reino y e plan di maneho pa evaluacion di politica di articulo 4 di e presupuesto di Relacionnan di Reino.

Pa loke ta e di tres kwartaal, e Secretario di Estado a infor-

ma cu esaki ta inclui e agenda di ehecucion di landspakketnan di Aruba, Corsou, Sint Maarten no. 3 pa 2024, rapport di ehecucion di landspakketnan di Aruba, Corsou y Sint Maarten No. 2 pa 2024

Cumpli of splica e leyman y regulacion cu ta ser formula pa Caribe Hulandes a largo plaso.

Planning pa kwartaal 4 ta inclui e agenda di ehecucion di landspakketnan no. 1 2025, rapport di ehecucion di landspakketnan no. 3 pa 2024 di Aruba, Corsou y Sint Maarten, progreso di acuerdonan gubernamental cu entidadnan publico di Sint Eustatius, Saba y Bonaire, y preferiblemente agendanan di ehecucion pa 2025.

E ta inclui tambe e situacion di programa di stage den Reino, situacion di maneho financiero, incluso cuentanan anual, di entidadnan publico Bonaire y Sint Eustatius, actualisacion di e situacion di mesa di clima di Bonaire, incluso presidente y structura di proceso.

Pa e di 4 kwartaal ta inclui tambe reaccion ariba e mocion di conseho insular di Bonaire tocante adaptacion di clima, hunto cu minister di Clima y Energia, reaccion riba e mocion tocante medionan financiero pa plan di adaptacion di clima pa Caribe Hulandes y financiamiento internacional.

Ta inclui tambe reaccion di e gabinete riba rapport di investigacion tocante tarea y medionan di e islanan, incluso e mocion di Van den Berg y Wuite tocante un plan di maneho pa mas control riba asignacionnan special di otro ministerionan y pa haci asignacionnan special un proceso structural.

Den kwartaal 4 ta trata tambe e reaccion riba proposicionnan di Dialogo Central di Bonaire tocante minimo social, hunto cu minister di Politica di Pobresa, Participacion y Pensioen, reaccion riba mocion tocante fortalecimiento di ayudo mutuo entre e paisnan den Reino y situacion di herencia di 250 aña di Prome Saludo riba 16 di november 2026.



LOTTO 5 Cuminsando cu 4 florin, bo por gana e suma grandi aki

Afl. **110.000,-**

Obtenibel na cualkier rebendado di Lotto. sorteo ta awe nochi 7:45 pm

Gobierno a firma acuerdo cu N.V. ELMAR pa uso di autonan electrico

Ayera diamars, 12 di maart 2024, den presencia di minister di Energia, Sr. Glenbert Croes; director di N.V. ELMAR, Sr. Anthony Irausquin; y directora di Departamento di Asuntonan Economico, Sra. Maria Dijkhoff-Pita, a tuma luga e firmamento di un acuerdo historico entre minister di Asunto Economico, Sr. Geoffrey Wever, y N.V. ELMAR.



Pa prome biaha N.V. ELMAR lo instala stacionnan di recarga vehiculo electrico riba propiedad priva pa un departamento di gobierno, den e caso aki pa Departamento di Asuntonan Economico ("DEACI") cu ta resorta bao di Minister Geoffrey Wever. Den un comunicado di prensa, e mandatario a expresa su gratitud na N.V. ELMAR pa nan compromiso y participacion valioso cu a resulta den accionnan concreto cu ta trece beneficio pa nos comunidad y nos medio ambiente. "Instalacion di stacionnan di recarga autonan electrico ta e prome paso", segun minister

Wever. Segun e comunicado, minister Wever tin un vision pa remplaza tur auto di gobierno pa uno electrico den futuro y asina contribui na sostenibilidad y eficiencia den e aparato gubernamental. Awo a cuminsa cu e proyecto piloto aki conhuntamente cu N.V. ELMAR, y proximamente e autonan di trabao di DEACI lo wordo remplaza cu autonan electrico conoci como 'EV's' ('Electric Vehicles'). E paso aki lo resulta den un reduccion significativo den uso di gasolin cu ta contribui grandemente na polucion di nos medio ambiente. E iniciativa aki ta parti di e esfuerso con-

tinuo di parti di ministerio pa promove sostenibilidad activamente y cu ta sirbi como ehempel con pa crea un Aruba mas sostenibel.

N.V. ELMAR tin su servicio di EV ChargeUp; su red di cargador pa vehiculonan electrico rond di Aruba. N.V. ELMAR por medio di e acuerdo aki, lo facilita e instalacion di stacionnan di recarga pa autonan electrico, cual ta sirbi como un modelo cu lo por ser replica pa otronan den sector publico of priva, y asina yuda accelera e transicion pa un economia mas sostenibel, segun Minister Wever.



"Mi ta hopi contento cu nos por anuncia e iniciativa aki awe, ya cu cada paso padilanti ta crucial den nos afan pa construi un futuro sostenibel pa nos yunan. E ta pone e standard y e ehempel pa nos comunidad: cu tur hende

mester tuma accion pa adapta y inclui sostenibilidad den nan bida diario. Mi ta spera cu otro departamentonan di gobierno copia e modelo aki," Wever a conclui.

Segun politico Otmar Oduber

Ta creando un Dump nobo na Ser'i Teishi y falta di maneho di desperdicio ta birando un crisis pa salud

Recientemente, politico Otmar Oduber di plataforma Nos Pais a cuminsa un programa riba Facebook, titula 'Nos Realidad', cu e prome edicion dilanti entrada di RWZI, unda a trata entre otro e tema di e falta di maneho pa loke ta trata e planta aki como tambe e falta di maneho di desperdicio en general na Aruba, "cual a bira parti di Nos Realidad."

Den un comunicado di prensa, Oduber a indica: "Dump a wordo cera algun tempo atras, a haci intento pa convence comunidad cu tin algo bon sosodiendo, pero lamentablemente añanan ta pasa y na e momentonan aki e la bira un crisis. Tin practicamente 21 miembro di Parlamento cu no ta papia riba dje pa pueblo compronde e situacion den cual Aruba ta den dje.

"Ta trata di un situacion peligroso unda tin peliger pa salud humano, y esaki no ta di awe, sino for di 5 pa 6 aña pasa ora a haci rapportnan entre otro uno di PAHO y e Integrated Waste Management na Aruba, traha pa profesionalnan na Aruba y na nivel nacional cu representantenan di sector publico y priva. E tempo aya ora Oduber tabatin e honor di tabata minister encarga cu e area aki, a tuma e decision cu mester atende cu e topico di maneho di sushi rapidamente. Despues di esaki, e mes como minister, a yega na un acuerdo cu Ecogas pa den un tempo corto por a percura pa tin un solucion pa evita cu sushi sigui bay riba dump. Pero awe, casi 6 aña despues, ainda no tin un cambio pa un solucion cu lo mester a dura un maximo di 2 pa 3 aña, segun e rapport y pa cual a yega na e acuerdo cu Ecogas. E com-

pania aki tabatin e mashinnan necesario pa por a cera e sushi y der'e na Ser'i Teishi unda cu lo por tabatin e capacidad, segun expertonan, pa un periodo di 2 pa 3 aña. Mientras tanto, 6 aña a pasa caba y ainda ta derando sushi eynan, lugar cu no ta adecua mas, a surpasa e altura y e ta birando un dump nobo, cual no tabata e idea y esaki, simplemente pasobra no kier a continua cu e fasanan di termino medio y largo cu tabatin stipula den e rapport.

"No a continua cu e plan pa bin cu un incinerator na Aruba, cual ta stipula den diferente rapport y ta wak esaki como e unico manera pa nos isla atende cu e maneho di sushi. Durante maneho di Otmar, a instala un incinerator chikito pa atende cu loke ta maneho di cadaver (bestianan morto), medical waste y sludge (desperdicio humano).



Esaki a funciona, pero lamentablemente, segun informacion ricibi, e la 'overburn' debi cu e cantidad di sushi procesa tabata 3x mas hopi. Mester a busca diferente piesa y e la cuminsa funciona bek for di november/di december aña pasa pero te dia di awe no ta den operacion pa motibo cu e minister encarga

no percura pa tin un hindervergunning. Mientras tanto, tur e desperdicio humano y medical waste, ta parce di a wordo acumula den 5 pa 6 container, treciendo un peliger pa nos comunidad. "Unda Gobierno ta, unda Parlamento ta? Nan cu mester defende comunidad di Aruba no ta tende cu tin 5 pa 6 luna di desperdicio cu ta wordo warda den container, creando tur e peligeronan cu por wordo crea. Peor ta cu parce cu tin intencion ta pa bay bek na e manera cu tabata wordo haci antes sin e tubonan cu ta controla e huma cu ta sali, es decir, na un forma habri riba dump," Oduber ta remarca. Mas ainda, tin un quotation pa bay bek na e sistema bieu y kier cobra casi 180 mil Florin pa bay supuestamente kima e sludge aki den aire liber, siendo cu tin rapportnan devastador di DOW riba e procesamento aki."

Psiquiatra y psicologo di Respaldo a tuma curso di ‘Schematherapie’



Durante e dianan di 13 pa 16 di februari a tuma lugar un curso di ‘Schematherapie’ pa diferente psiquiatra y psicologo di Respaldo. E curso a wordo duna door di drs. Willem Barents y drs. Wilfried Ekkers. Tur dos docente procedente di Hulanda ta ‘klinisch psycholoog’ y ‘psychotherapeut’ experencia.

E docente Willem Barents tin un gran experencia den duna ‘schematherapie’ na personanan cu problema di personalidad, mientras docente Wilfried Ekkers ta traha na Parnassia como ‘manager

zorg’ den e departamento di adiccion. Pronto Wilfried Ekkers lo forma parti di e directiva di e ‘Vereniging voor schematherapie’ na Hulanda. E importancia di duna e curso aki na Aruba ta pasobra e forma di terapia aki ta uno hopi efectivo pa personanan cu den transcurso di nan vida tabatin experencia traumatico cual ta duna problema durante nan desaroyo. E tipo di terapia aki ta yuda hopi na procesa e traumanan causa y ta yuda e persona funciona miho den sociedad. E docentenan tabata hopi honra di por a duna e curso aki na Aruba. Nan ta indica

di ta hopi orguyoso di e nivel halto di e cursistanan como tambe nan participacion activo durante e curso. Na Respaldo ya caba tin profesionalnan cu sa traha cu ‘schematherapie’ y awo danki na e curso aki tin hopi mas profesional cu por duna e forma di terapia importante aki. Respaldo ta invita comunidad di Aruba pa bishita nan pagina di Facebook unda por mira un entrevista completo cu ‘kinderpsychiater’ y ‘systeemtherapeut’ Ushi Moreta splicando mas di e curso aki.



Reunion fructifero entre HOH cu NHL Stenden University of Applied Sciences

Ayera a ser firma un Memorandum of Understanding (MoU) entre Universidad di Aruba, varios ministerionan di Aruba y Noord Nederlandse NHL Stenden University of Applied Sciences. Den cuadro di esaki Sr. Jacco Vroegop, Presidente di Hunta Directiva di Horacio Oduber Hospital (HOH) a tene un reunion awe cu entre otro Marc Otto, miembro di e College di Bestuur di NHL Stenden. Pues un paso sumamente constructivo a ser haci akinan pa loke ta colaboracion entre NHL Stenden y HOH.



Den e proximo periodo lo bay investiga e posibilidad pa tur dos organisacion sostene otro den loke ta brinda luga pa practica stage den “minor fase HBO-verpleegkunde, pero tambe brinda e educacion di enfermeria riba nivel di HBO. Ademas, tambe a

papia riba otro terenonan di trabou den hospital di Aruba cu tambe nan por brinda opleiding manera riba tereno di IT. Calidad y habilidad ta esencial den esaki y lo ta e enfoque principal den e colaboracion y tambe e cursonan ofreci. Importante ta cu hunto nos ta traha pa pone Aru-

ba y HOH riba mapa, paso banda di ta un isla bunita, tin un bon ambiente di trabou unda por eleva conocimiento y crece pa medio di desafiacionan. Ta importante tambe pa hunto cu otro partnernan riba e isla logra aumenta e porcentahe di studiantenan Arubiano cu ta gradua ora

nan bay Hulanda, hunto cu un aumento di e porcentahe di hendenan cu ta bolbe nan isla despues di nan estudio.

Femke Beeren representante di NHL na Aruba, hunto cu Cathleen Hernandez y Elvira Oehlers di HOH lo ta bay traha hunto den e proximo

periodo pa crea e caminda pa exito. Tin un expectativa positivo pa loke ta e diferente combersacionnan cu ta bay continua den e siguiente periodo, unda lo ta involvi ademas di e Minister di Enseñansa di Aruba, tambe e Minister di Enseñansa di Hulanda.

Corso:

Prohibicion di bishita como castigo ta continua temporalmente

(CuracaoChronicle)—E Sentro di Detencion i Korrekshon Korsou (SDKK) lo continua, aunke den lo menos caso posibel, pa impone castigo riba prizoneronan por medio di nenga nan bishita. E practica aki a ser critica den e rapport “Daily Program and Care at the Curacao Detention and Correction Center” pa e conseho policial.

E recomendacion di e conseho pa stop inmediatamente cu “e nengamento di momentonan di bishita” cu e

excepcion si e incidente of violacion ta directamente relaciona na e momento di bishita lo ser sigui lo mas posibel. Solamente ora no por implementa ningun sancion adecua lo por implementa e castigo aki.

E minister di Husticia, Shalten Hato, a bisa den un carta pa parlamento cu actualmente no tin celnan disciplinario pa e tratamento disciplinario di e prizoneronan. El a splica cu e prome piso di e seccion di siguridad extra no ta den servicio na direccion di e CPT (Committee



for the Prevention of Torture and Inhuman or Degrading Treatment or Punishment). Esaki ta limita e posibilidadnan di medidanan disciplinario, cu e excepcion di ne-

nga momento di bishita.

Pa minimalisa e castigonan disciplinario, lo introduci un acercamento nobo yama “motivational treatment”

den e prizon den corto plaso. Hato ta splica cu bon comportamiento lo ser reconoci cu e metodo aki, y comportamiento inadecua corrigi. “Aunke tratamento motivacional tin un acercamento mas empatetico y colaborativo pa cambio den comportamiento, esaki no ta nifica cu comportamiento seriamente indesea lo keda sin ser castiga,” e minister a bisa.

E fecha exacto riba cual e prizon lo implementa e acercamento nobo aki no a ser publica.

Corso:

Nuebe sospechoso ta enfrenta corte pa traficacion di droga via seaport

(CuracaoChronicle)—Diaranson y diabierna, dia 6 y 8 di maart 2024, nueve sospechoso a aparece den corte di prome instancia den e investigacion Crow. Nan ta sospecha di ta involvi den traficacion di droga via e waf di Corsou. E investigacion conduci pa RST a revela patronchinan alarmante di crimen organisa y traficacion di droga den e waf, unda cada sospechoso a hunga un rol significativo.

For di e investigacion a bira claro cu e sospechosonan a colabora pa un periodo largo,

activamente participando den e importacion y exportacion di cantidadnan grandi di droga. Durante e procedementonan di corte, e fiscal a calcula cu e balor di e cantidad di droga tabata na 100 milyon euro riba caya. Ministerio Publico (OM) a indica durante e procedementonan di e caso cu nan lo purba confisca e cantidad aki for di e sospechosonan.

E investigacion a revela un colaboracion criminal cu, den un manera destabilisa, a involvi empleadonan di waf corrupto. A descubri cu empleadonan responsabel

pa siguridad y orden tabata corrupto, facilitando traficacion di cocaina den e investigacion aki.

Varios sospechoso den e investigacion a usa telefonnan di SKY-ECC. E comunicacion for di e telefonnan aki a provee e ekipo investigativo cu un bista den e actividadnan criminal di e sospechosonan. E mensahenan a duna un bista claro di e actividadnan di e grupo, y tambe nan a mapa mas transporte di droga.

OM a determina pa tuma accion contra traficacion



di droga organisa y lo tuma mas stap pa tene e sospechosonan responsabel pa nan accion. Fiscal a pidi castigo pa e importacion y exportacion di droga,

preparacion pa esaki y posesion di arma, variando entre 5 pa 15 aña pa e sospechosonan.

Politico Richard de Mos enfrentando suspension di encarcelamento den apelacion di corrupcion

(NLTimes)—Ministerio Publico na Hulanda (OM) a recomenda un suspension di seis luna den e sentencia di prizon y 240 ora di servicio comunitario riba apelacion contra politico di Den Haag Richard de Mos. E presidente di e partido Hart voor Den Haag mester paga 100,000 euro den multa y ser prohibi for di trabao politico pa cuatro aña. E ta sospecha di corrupcion, soborno, y publicando informacion confidencial.

Tambe a recomenda un sentencia di prizon, servicio comunitario y multanan pa un otro politico Rachid Guernaoui y cinco entrepreneur. OM a

bisa cu e entrepreneurnan a haci donacionnan significante na e partido pa nan mesun beneficio. Supuestamente de Mos a comparti informacion secreto cu e empresarionan cu el a conta como su aliadonan. Nan negociacionnan no tabata crucial pero si ilegal. Y nan sa,” segun e procurador general representando OM dilanti e Corte di Apelacion na Den Haag.

E procurador general ta bisa cu e caso aki ta involvi amiguismo y “influencia politico cu un prijs.” E ta bisa cu e presidente di e partido y e otro sospechosonan a purba traha excuus of socava nan comportamiento. “E documento di ecaso entrega



ta muestra un imagen mas scur. E influencia a ser cumpira. A duna e entrepreneurnan influencia riba e agenda politico y e proceso di tuma decision. De Mos y Guernaoui a crusa e liña a proposito.” E fiscalnan a bisa cu e documentonan ta muestra con “corupcion di poder den politica local” ta traha.

E Corte di Distrito a absolver sospechoso aña pasa di corrupcion politico. Un persona a ser sentencia pa cuatro luna den prizon pa posesion di arma.

Den un declaracion, corte a ridicula e acusacionnan di OM. E fiscalia a recomenda 22 luna den prizon pa de Mos. “Di gran

importancia den e veredictonan ta e intento malicioso di e entrepreneurnan involvi den e donacion di partido. Miho ainda, e ta parce cu a haci e donacionnan cu bon intencion,” corte a dicide aña pasa.

OM a apela contra e absolucion. E procurador general a bisa cu e veredicto di e hues ta contene cosnan falso y cu nan ta sinti tabatin un acercamento descuidadoso. E caso contra de Mos ta andante pa basta aña caba. E espacionan di trabao usa pa de Mos y Guernaoui a ser investiga na 2019 ora nan tabata consehalnan ainda. Nan a nenga e acusacionnan durante e huicio, como tambe a empresarionan.

Cuatro partido por tuma e proximo stap pa forma e proximo gabinete Hulandes, segun lider di formacion

(NLTimes)—E discusion entre e lidernan di partido PVV, VVD, NSC y BBB a duna resultado, segun lider di negociacion Kim Putters. E proximo stap den e formacion di un gabinete nobo por ser tuma awo pa e cuatro partidonan aki, el a bisa despues di dos di discusionnan riba e haciendo di Zwaluwenberg na Hilversum.

“Mi ta cla pa yega na conclusionnan y skirbi mi rapport. Mi lo haci esey mañan,” Putters a bisa diamars anochi. Putter a bisa cu e ultimo dos dianan tabata intensivo. “Mi lo sortia tur cos mañan.” E mester entrega su ultimo rapport diahuebs na Tweede Kamer.

E cuatro lidernan di partido a sinta na mesa pa prome biha na Hilversum. “Esey no a sosode ainda den e ronda informativo aki y e tabata necesario,” Putters a bisa.

Despues cu e lider di NSC Pieter Omtzigt a retira for di e discusionnan na comienso di februari durante e prome ronda informativo lidera pa Ronald Plasterk, e relacion mutual a amarga entre e lidernan di partido. Durante e ultimo simannan, Putters a papia casi exclusivamente cu e cuatro partidonan un pa un.

Ora el a sali di e hacienda, lider di BBB Caroline van der Plas kier a bisa solamente cu e tabata “positivo” y cu a tene “bon discusionnan.” Omtzigt a bisa cu “a haci trabao duro den e ultimo dianan” y a referi na Putters pa mas informacion. E lider di PVV Geert Wilders y lider di VVD Dilan Yeşilgöz a bay sin papia cu prensa.

E lidernan di partido a papia cu otro dialuna for di 3or pa 7:30 di anochi, lidera pa Putters. E discusionnan a resumi 9:30 di mainta diamars y a conclui net prome cu 8or di anochi.

Ainda no ta claro ki ora

Tweede Kamer lo debati e ultimo rapport di Putters. Esey ta lo probablemente otro siman. Den su rapport, Putters mester indica cua forma di gabinete tin mas sosten entre e partidonan. Esaki ta inclui e posibilidad di un gabinete

extra-parlamentario y un gabinete minoria cu apoyo for di un of mas partido den parlamento.

Omtzigt a indica previamente cu esaki ta e unico dos opcion pa un gabinete nobo, te cu e

sa. Yeşilgöz a bandona e posicion inicial di su partido di kier tolera un gabinete minoria cu PVV y BBB so. Awo e ta habri pa un gabinete extra parlamentario den cual VVD tambe kier determina varios posicion ministerial.

CHEVROLET
Golden March Starts Now!

WIN AWG 5,000 CASH*

BUY A CHEVROLET TRACKER, TRAX OR MONTANA IN MARCH AND RECEIVE:
AWG 1,000 discount | AWG 200 gas voucher | 4 free services | 5 year warranty
Full tank of gas | Car mats | Car care products

+ THE CHANCE TO WIN THE GOLDEN EGG OF 5,000 CASH!

STERN Stern Automotive Enterprises N.V.
+297 582-3838
www.chevroletaruba.com
FB: Chevrolet Aruba

CHEVROLET

*Conditions apply. Offer ends on March 28, 2024. Must complete purchase to participate for the Golden Egg.



Alerta meteorologico na Argentina pa temporada di tormenta

(La Nacion) – Awaseronan intenso a cuminsa cay cu forsa na Area Metropolitana di Buenos Aires cu supuestamente ta bay stop awe den oranan di anochi segun loke Servicio Meteorologico Nacional (SMN) a bisa.

Di acuerdo na e organismo aki, tormentanan severo ta yega for di Uruguay y ta bay keda na e pais durante e proximo 48 ora, e cantidad prolonga di awaseronan lo por provoca inundacionnan na e centronan urbano principal di Santa Fe, Cordoba y Entre Rios. Den marco aki tin un adver-

tencia di corto plaso pa tormentanan fuerte pa region metropolitana, cu ta inclui varios municipio di zona sur y oeste.

Debi na e biontonan fuerte, a reporta caida di palonan na e bario Palermo, loke a provoca e corte den cayanan unda solamente un auto so por pasa. Cu regionnan den alerta geel, SNM a indica cu Cordoba, Entre Ríos, Jujuy, La Pampa, Salta, San Luis y Santa Fe tin posibilidad di sufri tormentanan basta fuerte.

Segun registronan di e organismo nacional ta indica cu e awaseronan ta ocasiona e alerta geel y ta bay afecta e region central di e pais, e zona

cu mas poblacion di Argentina y cu consecucionnan pa centronan civico.

Ademas, SNM a comunica cu alerta color orañó ta implica fenomenonan meteorologico peligroso pa comunidad, bida, bienes y medio ambiente, ta bay concentra na provincia di Buenos Aires den e limite cu Pampa. Bario di Barracas tambe a sufri impacto di awaseronan y hopi bisña a comparti potretnan di e zona cu a keda bao awa.

Debi na esaki e linea di transporte publico 216 a suspende su servicjonan mientras tanto e situacion lo bira normal, ademas Aeroparque Jorge

Newbery y Aeropuerto Internacional di Ezeiza no tin actividadnan debi cu tin alerta cora segun fuentenan di e aeropuertonan a comunica, loke ta afecta centenares di pasahero cu retraso y cancelacion di su vuelonan pa condi-

cionnan climatico.

Pa motibo di e tormentanan aki, AMBA ya casi ta acumula 100 millimeter di awa y Gobierno a lidera un operativo di emergencia pa asisti e bisñanan.



Merca a reduci di manera significativo e presupuesto di ayudo pa Colombia na 2025

(Infobae) – Den un movimiento cu a laga hopi observado politico tanto na Washintong como na Bogota sorprende, Joe Biden, presidente di Merca, diluna ultimo a anuncia un reduccion drastico den presupuesto di ayudo pa Colombia pa año 2025.

E cifra solicita pa proximo año fiscal, aproximadamente di 413 miyon dollar, ta marca un bahada notable compara cu añanan anterior y ta representa e cifra mas abou cu Biden a yega di duna for di dia el a yega na Cas Blanco. E noticia a genera preguntanan riba e motibonan tras di e disminucion aki. Na 2023, administracion di Biden a solicita 413 miyon dollar pa Colombia, loke ta haci cu e reduccion anual ta di 7%. Sin embargo, loke a hala atencion ta e recorte di e fon-



donan destina na lucha contra droga, cu ta muestra afecta cu un disminucion di 15%, ora a pasa di 160 miyon dollar pa 135 miyon dollar.

E impacto di e reduccion aki no ta limita solamente na lucha contra narcotrafico, sino cu tambe ta extende na programanan di desaroyo na e pais. Na 2024, Congreso a ricibi un solicitud di 225 miyon dollar pa financia e programanan aki, mientras cu pa

2025, e cifra a keda reduci na 219 miyon dollar, esaki cu e suma di e cuentanan di Asistencia pa Desaroyo y Fondo pa Apoyo Economico (DA y ESF na Ingles).

Asina mes den ocasion aki, Biden a solicita un asignacion di mas di 38 miyon dollar pa Forsa Arma, 8.7 miyon dollar destina pa programanan di salud na nivel global, 10 miyon pa actividadnan di minanan y prevencion, y un

partida adicional di 2 miyon pa desaroyo di educacion militar, cu ta bay ricibi cantidadnan chikito compara cu añanan anterior, di acuerdo cu loke e corant El Tiempo a señala.

Aunke e reduccion total di e presupuesto di ayudo pa Colombia no por ta considera catastrofico, ya cu e cifra solicita ta sigui keda considerable, ta importante pa destaca cu ta representa un tendencia baha den apoyo financiero di Merca pa e pais sur Americano.

Desde e 453 miyon dollar duna na 2022, despues 463 miyon na 2023 y 444 miyon na 2024, e solicitud di 413 a marca un punto di tension den e relacion bilateral entre ambos pais.

Embahada di Merca a pronuncia riba e presupuesto aki cu Biden a aproba pa Colombia den un comunicado ofi-

cial, e entidad diplomatico a indica cu e reduccion di presupuesto di e año aki ta aline cu e politicanan di Gobierno di presidente Petro y ta aborda di manera specifico e problema di migracion.

Den e comunicado, embahada ta destaca cu e recurso nan solicita pa Colombia ta diseña pa promove un agenda comun centralisa den e construccion di paz, mehora di oportunidadnan social y economico na varios region di e pais, asina como haci impulso di transicion di comunidadnan rural pa actividadnan legal. Asina mes ta busca fortalecer e resiliencia di e comunidadnan aki pa loke ta trata e impacto di cambio climatico y fomenta e conservacion di biodiversidad, reflehando asina e obhetivonan prioritario di Gobierno Colombiano.

Bukele ta bisa cu por soluciona e crisis di violencia na Haiti

(CNN) – Presidente di El Salvador, Nayib Bukele, diadomingo ultimo a sigura cu su gobierno por soluciona e crisis di violencia cu ta aumentando na Haiti y cu mester “un resolucion di Consejo di Siguridad di ONU, aprobacion di e pais anfitrión y cubri tur e gastonan di e mision.”

E mandatario a publica su idea den contesta na un publicacion di un usuario riba e red social “X”, diasabra ultimo indicando cu “Haiti a zink.”

Poco despues Bukele a reacciona un biaha mas na otro publicacion tocante e lider di e gangnan mas notable na e pais, Jimmy Cherizier, alias “Barbecue”, bisando “nos a mira imagennan similar na El Salvador, gangnan bañando cu cabes di e victimanan.”

Presidente di El Salvador, reconoci pa su guera contra gangnan na su pais, a reitera cu aunke “tur experto a bisa cu e gruponan ey no por a keda elimina, pasobra nan tabata un parti di nos sociedad,” a demostra cu nan “tabata ekiboca” y “nos a eliminanan, e mesun cos mester pasa



na Haiti.” Despues di su reeleccion, Bukele a reconoce cu Polis

di El Salvador por a comete foutnan na momento di aplicacion politica di siguridad di su

gobierno, pero a defende e medidanan di siguridad cu el a implementa.

Haiti: Prome minister, Ariel Henry, ta anuncia su renuncia

(DiarioLibre) - Prome minister di Haiti, Ariel Henry, a renuncia na su cargo, memey di un ola di violencia na e pais Caribense, e mandatario di Guyana y presidente na turno di e Comunidad di Caribe (Caricom), Irfaan Ali, a indica despues di un sesion extraordinario tocante e situacion na Haiti cu representantenan di varios pais na Jamaica.

“Nos a tuma nota di e renuncia di e prome minister, Ariel Henry, e creacion di un Consejo Presidencial di Transicion y e nombramento di un prome minister interino. Mi kier tuma un momento pa gradici Henry pa su servicio na Haiti, su servicio pa e pueblo Haitiano y su compromiso personal na fabor di e desaroyo di Haiti,” Ali a declara durante e conferencia di prensa di ciere di e reunion di alto nivel, celebra dialuna na Kingston, Jamaica.

Dicho consejo ta bay eherce



e autoridad presidencial durante e transicion operando pa mayoria di voto.

Ta bay keda exclui di e grupo ey cualkier persona cu ta acusa of a wordo condena den cualkier hurisdiccion, cualkier persona bao sancion di ONU of cu ta pretende di presenta na e proximo eleccionnan na Haiti, y cualkier persona cu ta

opone na e resolucion 2699 di e Consejo Nacional di Seguridad di ONU, cu ta aproba e despliegue di forsanan di diferente pais pa yuda e polis di Haiti.

E Agencia Frances di Prensa (AFP) a informa cu Henry tambe a confirma su renuncia na e secretario di Estado di Merca, Antony Blinken.

Un vocero di Merca a bisa na e agencia cu Ariel Henry por keda na Puerto Rico, si asina e ta desea.

E aworaki ex prome minister ta na e isla for di diamars siman pasa, despues cu autoridadnan Dominicano a nenga su solicitud di aterisa na e pais pa motibonan di seguridad nacional.

Na Kingston, Blinken a anuncia 100 miyon di dollar adicional pa respalda e forsa internacional di stabilisacion na Haiti, un suma cu ta aumenta na 300 miyon e cantidad cu Washington a priminti desde cu e crisis na e pais Caribense a intensifica algun año pasa.

E Secretario di Estado a ofrece ademas 33 miyon di dollar pa ayudo humanitario inmediato.

Henry, nombra pa e presidente Jovenel Moise net prome cu su asesinato na juli di 2021, tabata na Kenia pa papia di e mision internacional ora cu e ola di violencia actual a cuminsa na e pais.

Despues di e biahe ey, e no a logra regresa pa su pais pa motibo di e inseguridad na e aeropuerto y a bula bay Puerto Rico despues cu e pais bisina, Republica Dominicana, a nenga entrada di su avion.

Trinidad y Tobago: JSC ta rechasa peticion di oposicion riba SSA

(TrinidadExpress) - E Comite Conhunto di Parlamento (Joint Select Committee, JSC) riba Seguridad Nacional a rechasa e peticion di oposicion pa discuti e cambio grandi na e Agencia di Servicio Strategico (Strategic Services Agency, SSA).

Dia 5 di maart, Diputado di oposicion Dr. Roodal Moonilal y Senador di oposicion Jayanti Lutchmedial a skirbi na presidente di JSC Keith Scotland pidiendo pa e comite ta convoca un reunion urgentemente pa discuti e cambio grandi unda e director di SSA retira, Mayor Roger Best, a bay riba suspension administrativo y Embahador Anthony Phillips-Spencer a wordo yama for di Washington y a wordo nombra pa tuma e cargo na su lugay y realisa un auditoria.

Scotland a responde y a bisa cu comite lo dicidi. E comite, cu tin un mayoria gubernamental, a reuni ayera y a dicidi pa rechasa e peticion aki.

JSC ta bao presidencia di Scotland y ta consisti di miembronan di Gobernacion Randall Mitchell, Ay-



anna Webster-Roy y Richie Sookhai. Diputadonan di oposicion ta Moonilal y Lutchmedial mientras Paul Richards ta e unico independiente.

TrinidadExpress a tuma contacto cu Moonilal ayera y a puntr'e kico tabata e decision di e comite.

El a contesta: “Mi por comenta cu e Comite Con-

hunto di Seguridad Nacional a reuni pa 3or y a considera e peticion di mi mes y Senador Lutchmedial y, despues di un discusion cortico, a dicidi cu mayoria, cu e peticion no ta ser manteni.”

El a bisa cu esaki ta nifica cu JSC no lo examina ni interroga SSA, oficialnan di Ministerio di Seguridad Nacional of polis riba e “desaroyo masha serio aki cu ta sigui”.

“Mi tabata hopi desapunta pasobra manera tur hende sa tin un scarsedad di informacion oficial tocante esaki. Kico nos ta ricibi ta reportahe di corant cu no ta oficial y cu por ta no ta exacto,” el a agrega.

El a bisa cu JSC den su mayoria a prefera pa no traha riba e asunto aki.

“Mi ta kere cu tabatin un preocupacion cu lo tabata

premature of por a conduci na publicidad prome cu un huicio den contexto di desaroyonan cu ta sigui, pero mi ta kere cu e argumento tocante cu e por ta prematuro, ta prematuro riba su mes pasobra segun nos sa nos no ta kere cu tin informacion oficial cu ta bisa nos cu tin algun investigacion, por ehempel,” el a bisa.

El a nota cu prome minister Dr. Keith Rowley a bisa u el a pidi pa tin un auditoria, cual no ta un investigacion.

“Pues no tin investigacion policial cu nos sa cu a wordo comunica oficialmente, asina ta cu mi mes y Senador Lutchmedial a haya cu e argumento tocante publicidad prome cu huicio no por wordo sosteni,” el a bisa.

Oposicion no lo laga e asunto aki wordo cubri y lo sigui presiona cu preguntanan, el a bisa, agregando cu “tin implicacionnan serio riba spionahe riba oponentenan di Gobernacion y investigacionnan criminal cu ta depende riba inteligencia di SSA.”

Director Roman Polanski demanda pa mas acusacion di abuso sexual di menor

(AP) — Un muhe a demanda director Roman Polanski, alegando cu el a viol'e na cas di e director tempo cu e muhe tabata un menor di edad na 1973.

E muhe a haci publico e acusacion, cual Polanski, 90, a rechasa, den un conferencia di prensa cu su abogado, Gloria Allred, ayera.

E relato ta similar na e caso criminal ainda sin resolve na Los Angeles pa abuso sexual, cu a pone Polanski pa huy pa Europa na 1978, unda e ta keda te awendia.

E muhe cu a haci e demanda a bisa cu el a bay cena cu Polanski, kende tabata sa cu e tabata menor di 18 aña di edad na 1973, algun luna despues cu el a conoce e director na un fiesta. El a bisa cu Polanski a dun'e shot di tequila na su cas prome y despues na e restaurant.



El a bisa cu el a bira groggy, y Polanski a dun'e un lift pa cas. Despues e ta recorda drumi banda di dje riba cama. “[Poilanski] a bis'e cu e tabata kier haci sex cune,” e demanda ta bisa. “E acusador, a pesar di ta groggy, a bisa e acusado ‘no.’ El a bis'e, ‘please no haci esaki.’ [Polanski] a ignora su suplicanan. Acusado Polanski a kita paña di e acusador y a viol'e, causando e dolor y su-

frimento fisico y emocional tremendo.”

Abogado di defensa, Alexander Rufus-Isaacs a bisa den un e-mail ayera cu Polanski “ta rechasa fuertemente e acusacionnan haci contra su persona den e demanda y ta kere cu e lugar adecua pa husga e caso aki ta den corte.”

A entrega e demanda na Cor-

te Superior di Los Angeles na juni bao un ley di California cu temporalmente a permiti hende pa entrega keho di abuso sexual di menor despues cu e statuut di limitacion a caduca. Bao di e ley, inicialmente tampoco por a nombra Polanski, pues no a reporta e demanda riba noticieronan. Ta busca daños cu lo keda determina den huicio.

Un hues a duna e acusador aprobacion pa usa number di e director den e caso. E hues diabierna a pone un fecha di 2025 pa e huicio.

Den su respuesta legal pa e demanda, abogado di Polanski ta rechasa tur su acusacionnan y ta declara cu e demanda ta anti-constitucional pasobra e ta depende riba un ley cu no a pasa te 1990.

E muhe a bin dilanti cu su storia na 2017, despues cu e muhe den caso criminal di

Polanski a pidi un hues pa rechasa e cargonan, cual el a nenga di haci. E tempo ey, e muhe kende awo a entrega e demanda civil a duna su prome number y inicial di fam, y a bisa cu e tabatin 16 aña di edad tempo di e atake.

Den e demanda y na e conferencia di prensa ayera, e no a duna su number, sino a bisa solamente cu e tabata un menor di edad tempo di e atake. El a papia apenas brevemente.

“A dura mi un tempo hopi largo pa dicide di entrega e demanda aki contra Sr. Polanski, pero finalmente mi a tuma e decision aki,” el a bisa. “Mi kier entreg'e pa obtene husticia y responsabilidad.”

Al menos tres otro muhe a bin dilanti cu storia di Polanski abusando sexualmente di nan.

Prinses di Wales semper tabata e cara confiable di monarkia moderno. Awo, e ta den centro di controversia

(AP) — E ta un di e muhenan mas fotografia na mundo. Pero atencion riba Catherine, Prinses di Wales, no a alcanza e nivel aki desde cu el a casa cu prins di Reino Uni, William, den un boda estilo sprookje na 2011.

Un anuncio di oficialnan di palacio cu Catherine, 42, a ricibi un cirugia abdominal no especifica y lo ta leu di mira publico pa varios siman a duna impulso na speculacion enorme y chisme tocante su salud. Pero un admision di Catherine cu el a altera un potret oficial di su famia – un cu tabatin intencion pa sigura publico cu e ta bon – a empeora cos mas ainda.

E ta un fayó inusual pa e prinses, kende casi no a comete un eror den su trayecto di novia verlegen “comun” di William te bira e mama hoben glamuroso, kende mas cu cualkier miembro di realeza desde Prinses Diana, a reforsa e popularidad y atraccion di e monarkia Britanico rond mundo.

Catherine a disfruta cobertura abrumantemente positivo for di prensa den añanan recien, pero su relacion cu pe-



riodistanan no semper tabata asina facil. Na 2005, abogadonan di Catherine a pidi editornan di corant pa lag'e na paz, bisando cu fotografonan tabata invadiendo su bida priva. Esaki no a stop interes di medianan di comunicacion den su relacion cu William, ni titularnan grocero yamando e “Waity Katie” ora e pareha a separa brevemente na 2007.

Despues di cobertura total di e boda di Catherine y William na april 2011, e pareha a retira den un bida relativamente keto leu di luz publico na Wales rural pa dos aña, mientras William a completa su servicio militar.

Pero e bataya di e pareha real cu prensa atrobe a bin den luz

na 2012, ora William y Catherine a demanda un revista Frances pa publica potret di Catherine ‘topless’, saca mientras e pareha tabata di vakantie na un villa priva den sur di Francia.

Presion di medianan di comunicacion riba Catherine a reduci den gran parti ora prins Harry a casa cu Meghan Markle na 2018 y e wowo critico di prensa a bira su scrutinio riba e actriz Mericano. Tabloidenan hopi biaha a pinta Meghan como e novato recien yega den institucion real, un contraste cu e confiable Catherine, mama di futuro rey y favorito di pagina front cu su trahenan elegante y smile fotogenico.

Catherine masha poco a

revela su pensamentonan den publico, maske den añanan recien el a crece den confianza como un orador publico y campeon di educacion trempan den mucha chikito. Na 2021, el a proba cu e tin talento como musico, sorprendiendo e audiencia na un servicio di cantica di Pasco tocando piano.

Bira mama a trece un determinacion pa crea un relacion nobo, mas controla, cu medianan. Na 2015, ora e prome baby di Catherine y William, prins George tabatin apenas 2 aña di edad, e pareha a apela na periodistanan pa stop di saca potret inoficial di e baby prins. Nan a bisa cu nan tabata kier pa nan yiunan tin un bida lo mas “normal” posible.

Desde esey, Catherine y William periodicamente ta publica nan propio potret di nan tres yiu – George, 10; prinses Charlotte, 8; y prins Louis, 5 – pa marca fechanan importante manera cumpleaños y Pasco.

Na 2022, e famia a move for di Palacio di Kensington den centro di Londres na un cottaje cerca di Kasteel di Windsor, reforsando nan deseo pa lanta nan yiunan den privacidad relativo.

Esey a bay bon te januari, ora oficialnan di palacio a anuncia cu Catherine tabata hospitalisa pa cirugia abdominal. Nan a bisa cu e no lo aparece den compromisonan publico te cu Pasco di Resurreccion.

Su decision pa tene e detayenan priva a impulsa un frenzy den medianan di comunicacion. Publicacion di un potret pa conmemora Dia di Mama na Reino Uni, cual a keda retira diadomingo pa AP y otro agencia noticiero pa preocupacion pa alteracion digital, a genera mas pregunta ainda.

E critica pa e potret, un biaha mas, a laga Reino Uni dividi riba nan opinion riba na con hopi privacidad e famia real tin derecho. Algun ta mira esaki como un golpi pa confianza den e monarkia.

“Palacio den caos pa critica extraordinario,” The Daily Mirror a proclama ayera. Pero The Sun a agrega: “Baha for di lomba di Kate: Stop bullying pa potret demasiado edita.”

Di tur manera, apetito pa noticia di e prinses ta keda feroz.

Candela pafor di container a pone cahanan di carton paden pega na candela

Diadomingo mainta a drenta informe di un candela na Pedro Gallegostraat, mesora a dirigi tanto polis como bombero na e sitio.

Na yegada di e patruya a bin haya bombero caba na e sitio. E candela di pafo a ocasiona hopi cayente paden cu a percura pa e carton nan di paden tambe pega candela y esaki a daña e aparatonan y mercancia den e container. Bombero a logra domina y paga e candela



Chauffeur burachi riba paranda cu no kier a bay cas a bay den cel na warda di polis



Diadomingo anochi na Sabana Grandi polisnan a intercepta un chauffeur bao influencia y a bin

compronde cu e ta den un paranda y no kier yega cas.

Polis a bis'e ta bon bo no ta

yega cas, pero bo ta bay den cel na warda di polis. Un familiar cu tabata cerca a hiba e Toyota Vitz pa su cas.

Faltando apenas 20 meter pa e chauffeur yega su cas, el a pega soño tras di stuur



Diadomingo mainta tempran a drenta informe di un accidente na Madiki, unda e chauffeur kier bandona e sitio, mesora nan a dirigi un patruya na e sitio.

Na yegada di e patruya a bin compronde cu e chauffeur di e Nissan Cube, faltando menos di 20 meter pa yega

su cas, a pega soño hisa velocidad bay dal auto di bisña destrosando esaki; e impacto a pone spierta y a para, pero e tabatin hopi soño y kier a bay drumi.

Polis a test e chauffeur y el a surpasa e limite y p'esey polis a deten'e.

Alrededor di 20 auto a bira victima di kiebro y ladronicia



Diadomingo anochi cos a bay fuera di control ora cu polisnan tabata ricibi cada rato informe di kiebro y ladronicia for di autonan staciona den parkinglot di areanan di e hotzone, banda di e hotelnan highrise.

Alrededor di 20 auto a bira victima di kiebro y ladronicia for di e autonan, manera tas, joyas, pertenencianan di balor. Tin un of mas ladron ta cometiendo e fechorianan aki y esakinan ta bayendo for di man.

Cuerpo Policial di Aruba a ricibi nan vehiculonan nobo



Diamars merdia, conhuntamente cu Cuerpo Policial di Aruba, Minister di Husticia y Asuntonan Social, Sr. Rocco Tjon a haci entrega di e vehiculonan nobo pa Cuerpo Policial. Cuerpo Policial t'ey pa garan-

tisa siguridad. Recien ainda, un investigacion a muestra con criminalidad a baha y cu Aruba ta e pais mas 'safe' den nos region.

Pa logra esaki Ministerio di Husticia y Asuntonan Social ta inverti den tres pilar, se-

gun un comunicado di gobierno. Na prome lugá, ta percura pa e organisacion ta uno dinamico pa por combati criminalidad, p'esey tin un reorganizacion andando. Na di dos lugá ta crea condicionnan di trabou adecuado, p'esey diferente renobacion a

tuma lugá y edificionan nobo a wordo adkiri pa Cuerpo Policial.

Por ultimo, e di tres pilar cu ta inverti den dje ta percura pa cumpra materialnan pa e Agentenan Policial por echerce nan trabou. Asina a inverti den proyecto di camara, ra-

dar, portofoons, ICT, bullet-proofvests y computers.

Awo nan ta haya nan fleta nobo pa por brinda un bon servicio na nos comunidad pero na mes momento garantiza nan propio siguridad mucho miho.

Mainta tempran un mucha chikito tabata cana su so den Dakota

Diadomingo mainta tempran a drenta informe di cu tin un mucha chikito ta cana su so den Dakota, mesora a dirigi un patruya na e sitio.

Na yegada di e patruya nan

a papia cu e mucha pa asina logra haya sa unda e ta biba. Ta danki na un bisiña a logra indica e mucha ta biba, polis a bay na e adres y a haya e wela cu tabata desespera buscando e mucha.



Palo di luz a basha chispanan fuerte y grandi na Bucutiweg

Diadomingo madruga a drenta informe di cu tin palo di luz ta bashando chispanan fuerte y grandi na Bucutiweg, mesora a dirigi un patruya na e sitio.

Na yegada di e patruya ya e

show lo a caba y polisnan no a mira e kabelnan cu cay y a sigui cu nan patruya. Despues di e yamada na ELMAR NV nan a presenta y a resolve e problema ya cu coriente a bay na algun cas den vecindario.



Polis a bay na Turibana Plaza pa muhe cu tabata grita den oranan di madruga

Diadomingo madruga a drenta informe di cu tin un muhe ta gritando pa basta rato caba den e oranan ey di madruga na Turibana Plaza, mesora a dirigi un patruya na e sitio.

Na yegada di e patruya a bin

compronde cu aki lo ta trata di un problema di pareha, unda e muhe tabata pleita gritando. Polis a papia cu nan pa nan stop y bay drumi y den oranan di dia papia e asunto den volumen tranquil pa no molestia e bisiñanan.



Chauffeur burachi a pasa den rotonde di Boegoeroei y bay dal riba Fermins Bar

Diadomingo madruga a drenta informe di un accidente na e rotonde Boegoeroei, mesora a dirigi patruyanan na e sitio.

Na yegada di e patruya a bin

compronde cu un chauffeur bayendo nort cu velocidad halto a subi pasa den e rotonde baha bek bay drenta na e parti dilanti Fermin's Bar pusha mesa cu bankinan y bay dal un auto staciona na e

cas na banda y pusha e auto riba un pilar. Afortunadamente ningun hende a resulta herida pero e chauffeur si a ser deteni pasobra el a surpasa e limite di alcohol.



Polis a yuda un dama lanta su casa, cu ora e bebe e ta blo cay



Diadomingo madruga a drenta informe cu petition pa un yudansa pa lanta un dama su casa cu tur ora e bebe e ta kita cay y no por para na Caya Ernesto Petronia, mesora a

dirigi un patruya na e sitio. Na yegada di e patruya nan a yuda e dama lanta e casa y hibe na su camber y pone riba cama.

E dama a keda masha agradecido pa e agentenan cu a yud'e ya cu awor e por bay drumi tranquil.

Turistanan no kier a paga pa servicio di taxi



Diadomingo madruga a drenta informe di cu turistanan no kier paga e taxista pa e transporte na un hotel, mesora a dirigi un patruya na e sitio.

Na yegada di e patruya nan a papia y splica detayadamente e tarifa y asina pues e turistanan a haci nan pago debidamente.

Polis a bay intermedia entre dos bisiña den oranan di madruga



Diadomingo madruga a drenta informe cu a surgi un problema entre 2 bisiña cual a bira un bululu memey caminda na Orucuyo, mesora a dirigi un patruya na e sitio.

Na yegada di e patruya polis mester a intermedia entre e 2 bisiñanan aki pa asina reestablece pas y tranquilidad na e bario den e oranan sagrado di madruga.



Het Land Aruba is voornemens in het openbaar aan te besteden, het door de Tourism Product Enhancement Fund te financieren project:

"Het verfraaien rondom bunker's te Sero Colorado".

Volgens bestek DOW nr. 01 dj. 2023.

Korte omschrijving van het werk:

- Het freezeen van een deel van de asfalt weg;
- Het aanleggen van looppad met betonnen band en city line pavers rondom de bunker's
- Het inrichten van een parkeerplaats met natuursteen belijning;
- Het aanbrengen van groenvoorziening;
- Het construeren van een betonnen muur t.b.v. een panel board.

Uitvoeringstermijn: **35 werkbare werkdagen** na datum van opdrachtbrief, incl. bestellingstijd.

Het bestek is vanaf **13 maart 2024** verkrijgbaar bij DOW tegen betaling van **Afl. 250,00**. De betaling te voldoen bij de kassier van de Dienst Openbare Werken (DOW). De openbare bescheiden liggen ter inzage vanaf **13 maart 2024** te DOW bij het Secretariaat van de Directie.

Inlichtingen worden verstrekt op **20 maart 2024** om 10.00 uur v.m. te DOW. De Nota van Inlichtingen wordt vastgesteld op **27 maart 2024**. De openbare aanbesteding vindt plaats op **10 april 2024** om 11.00 uur v.m. op het kantoor van de directeur van de Dienst Openbare Werken.

- De inschrijver moet bij zijn inschrijving de volgende vereisten overleggen:
1. Bewijs van inschrijving in het register van de Kamer van Koophandel van Aruba. (niet ouder dan 6 maanden).
 2. Bereidheidsverklaring tot het instellen van een bankgarantie of borg.
 3. De staat van eenheidspreizen voor verrekening van meer- en minderwerken.
 4. Een lijst van in te schakelen onderaannemers.
 5. Overige vereisten opgenomen in het bestek.

Inschrijving dient te geschieden op het bij het bestek gevoegde en gewaarmerkte inschrijvingsformulier.

Cuatro astronaut di cuatro pais ta bolbe Tera despues di seis siman den orbita



(AP)—Cuatro astronaut di cuatro pais a haya un lift back Tera cu SpaceX diamars pa trece un fin na e mision di mita aña na e International Space Station.

Nan a capsula a deriba riba Merca den oranan trempan di mainta y a cay den e Golfo di Mexico cerca di e Florida Panhandle.

Jasmin Moghbeli di Nasa, un

piloto di helicopter militar, a lidera e tripulacion di Andreas Mogensen di Dinamarca, Satoshi Furukawa di Hapon y Konstantin Borisov di Rusia. Nan a muda den e space station den augustus



aña pasa. Nan reemplasado a yega siman pasa den nan mesun capsula di SpaceX. “Nos a laga pinda y tortilla,” Moghbeli a bisa via radio despues di sali for di e compleho orbitando dialuna. Loral O’Hara di Nasa a responde: “Mi ta sinti boso falta caba y danki pa e regalo hopi generoso.” O’Hara tin un par siman mas na e space station prome cu e bin back Tera riba un capsula Soyuz di Rusia. Prome cu el

a sali for di e space station, Morgensen a bisa via X cu e no por warda “pa tende parha canta den matanan” y tambe tin gana pa come cuminda crujiente.

NASA ta prefera varios opcion di biahe den caso di problema di raket. Boeing mester cuminsa provee servicio di taxi pa astronaut cu un prueba di vuelo di dos piloto na cuminsamento di mei.

Merca ta lidera e prome resolucion di ONU riba inteligencia artificial

(AP)—Merca ta liderando e prome resolucion di e Organizacion di Nacionnan Uni (ONU) roba inteligencia artificial (IA), diseña pa sigura cu e tecnologia nobo ta “safe, sigura y confiable” y cu tur pais, specialmente esnan den e mundo desaroyando, tin acceso igual.

E version preliminar di e resolucion di e Asamblea General tin e meta pa cerca e buraco digital entre paisnan y sigura cu tur ta sinta na e mesa den discusionnan riba IA—y cu nan tin e tecnologia y capacidad pa probecha di su beneficionan, incluyendo detectamento di malesa, pronosticacion di inundacion y entrenamiento di trahadornan di e siguiente generacion.

E version preliminar di e resolucion ta reconoce e aceleracion rapido di desaroyo y uso di IA y ta subraya “e urgencia di logra un consenso global riba sistemanan di IA safe, sigura y confiable.” Tambe e ta reconoce cu “e gobernanca di e sistemanan di IA ta un area cu ta keda transforma” y mester mas discusion riba posibel acercamentonan pa gobernanca.

E consehero di siguridad nacional Mericano, Jake Sullivan, a bisa cu Merca a acerca e



Asamblea General “pa tin un combersacion global riba con pa maneha e consecucionnan di e tecnologia di IA cu ta avansando rapidamente.”

E resolucion “lo representa apoyo global pa un set di principio basico pa e desaroyo y uso di IA y lo crea caminda pa probecha di sistemanan di IA permanentemente mientras manchando e riesgonan,” el a bisa den un declaracion pa AP.

Si esaki ser aproba, Sullivan a bisa cu “e resolucion aki lo ta

un stap historico pa dilanti pa fomenta IA sigura y confiable globalmente.”

Merca a cuminsa negocia cu e 193 estado miembronan di ONU tres luna pasa, a aloca centenares di ora den discusionnan directo cu paisnan individual, 42 ora den negociacion y a acepta perspectivanan for di 120 nacion, manera un oficial Mericano a bisa. E resolucion a logra un apoyo di consenso for di tur estado miembro y lo ser considera formalmente e luna aki, e oficial a bisa, papiando riba

condicion di anonimidad pasobra e no ta autorisa pa papia publicamente riba esaki.

Al contrario di e resolucion di e Consejo di Siguridad, e resolucion di e Asamblea General no ta vinculante pero si ta un indicacion di cambio di opinion global. Un meta clave, segun e version preliminar di e resolucion, ta pa usa IA yuda stimula progreso pa logra e metanan di desaroyo di ONU pa 2030, incluyendo treciendo fin na hamber global y pobresa, mehorando salud global, sigurando edu-

cacion secundario di calidad pa tur mucha y logra igualdad di genero.

E resolucion ta encurasha tur pais, organisacionnan internacional y regional, comunidadnan tecnico, sociedad civil, media, academia, institucionnan di investigacion y individualnan “pa desaroya y apoya acercamentonan di gobernanca y regulacion” pa sistemanan safe di IA.

Legisladonan den Union Europeo ta plania pa duna un ultimo aprobacion na e prome reglanan comprensivo di IA awe. Paisnan rond mundo, incluyendo Merca y China, of gruponan global manera e Grupo di 20 nacion industrialisa tambe ta moviendo pa crea regulacionnan di IA.

E version preliminar di Merca ta haci un yamado riba e 193 estado miembronan di ONU y otronan pa asisti paisnan desaroyando pa obtene acceso na e beneficionan di transformacion digital y sistemanan safe di IA. Esaki “ta enfatisa cu derechonan humano y libertad fundamental mester ser respecta, protegi y promove den henter e ciclo di bida di sistemanan di IA.”

Lima ta bira anfitrión pa Weganan Panamericano 2027

Pa di dos biaha den menos cu un decada

(AP) — Lima a keda selecta ayera como anfitrión di e Weganan Panamericano 2027, e di dos biaha den menos cu un decada cu e capital Peruano ta bay organisa e evento multisport mas grandi den continente Americano.

Lima, cual tabata anfitrión na 2019, a ricibi 28 di 40 voto for di miembronan di cuerpo organisador Panam Sports pa derota e capital Paraguayo di Asunción.

E edicion di 2027 inicial-

mente tabata programa pa e ciudad Colombiano di Barranquilla, cu a keda retira como anfitrión pa motibo di problemanan financiero.

Peru tin plan pa usa hopi di e stadion- y centronan deportivo di cinco aña pasa pa organisa e Weganan. Presidente Dina Boluarte a bisa cu e ta sostene e oferta di Lima.

E edicion mas recien di Weganan Panamericano a tuma lugar aña pasa na Santiago, Chile.



Polis Italiano cu investigacion den oficina di AC Milan como parti di investigacion riba benta di e club

(AP) — Oficina di AC Milan a haya un inval di polis ayera como parti di un investigacion di fiscalnan Italiano riba e benta di e gigante di Serie A.

RedBird Capital Partners a cumpra Milan for di compania Mericano, Elliott Management na augustus 2022, pero fiscalnan di Milan ta bisa cu Elliott ainda ta doño y ta controla e club Italiano.

Polis financiero di Italia a tene un inval den oficina di Milan ayera, y tambe segun reportahenan a listra e casnan



di actual CEO, Giorgio Furlani y ex-hefe ehecutivo, Ivan Gazidis, kende tabata ocupa e posicion di 2018 te 2022.

Furlani y Gazidis ta siendo investiga pa supuestamente sconde informacion relaciona na e benta for di federacion

Italiano di futbol. “Relaciona cu e inval ehecuta awe na su sede, AC Milan ta un tercer partido y extraño

na e accion legal andando pa loke ta trata e compra di e club,” Milan a bisa den un declaracion manda pa prensa. “E investigacion, cu tambe ta involucra e representantenan legal cu autoridad pa firma, Giorgio Furlani y Ivan Gazidis, tin hipotesis di comunicacion incorrecto na e autoridad di vigilancia competente. E club ta dunando su cooperacion completo na e autoridad investigando.”

Asina mes, Milan por ricibi un boet of un deducion di punto for di federacion di futbol Italiano.

Trainer di kickboxer Ben Saddik kier stop di papia tocante incidente cu Rico Verhoeven

(NLTimes) — E trainer trahando cu kickboxer Jamal Ben Saddik, Said el Badaoui, ta pensa cu comentarista y periodistanan ya a bisa tur loke por bisa di su alumno mandando un scop den direccion di cabes di Rico Verhoeven despues di un pelea durante e torneo Glory Grand Prix diasabra na GelreDome.

Verhoeven, di Hulanda, a gana e torneo cu a tuma lugar den un solo anochi, y a ricibi un premio di mey miyon dollar.

“Ban no hacie mas grandi di loke ya e ta, y mantene enfoke riba e logronan deportivo. Esey ta loke ta realmente importante, el Badaoui a bisa riba Facebook. Ben Saddik tabata den skina



di e pelea cu Nabil Khachab diasabra, kende a perde contra Verhoeven den semipfinal. Ben Saddik e ora a purba di scop Verhoeven na su cabes tiki despues di e pelea. Verhoeven a purba di pone

man riba Ben Saddik, pero guardianan di seguridad den e ring a restringie.

Glory, e organisador di e torneo, a bisa cu ta bay investiga e incidente. “Glory tin un

codigo di conducta estricto pa tur atleta y e team den nan skina,” e organisador a bisa prensa.

“Rico a proba cu e ta un berdadero campeón. E victoria

tabata bon merci,” el Badaoui a agrega riba Facebook. “Emocion por saca lo miho for di bringadornan y nan team. Esaki tabata e caso tur dos banda. Nos a mira esaki hopi biaha na tur organisacion grandi na mundo. Afortunadamente, el a sucede den e ring y no pafo di dje.”

Verhoeven y Ben Saddik tin un disgusto intenso pa otro desde cu e Belga Maricano a scupi den cara di e campeón mundial Hulandes durante un stare-down na 2017. Verhoeven tabata rabia despues di e intento di scop di Ben Saddik diasabra.

“Claramente mi a gana mercedamente. Y despues e ta bin den e ring atrobe. Mester prohibi e homber aki for di e sport. E ta inacceptable.”

Potret di ANP.

Caso di doping di atleta Ruso ta laga WADA incomodo y cu reglanan nobo prome cu proximo Olimpiada di Winter

(AP) — E caso di doping di atleta Ruso di schaats artistico, Kamila Valieva, a laga un smaak “hopi desagradable” cu e Agencia Mundial Anti-Doping (WADA na Ingles), cual ta infeliz cu e adolescente ta e unico cu ta ricibi castigo cu un prohibicion, mientras su coachnan y entourage no a ricibi sancion.

WADA awo kier pa actualisa e reglanan anti-doping prome cu Olimpiada di Winter 2026 na Italia pa duna mas poder pa investiga entourage di e atletanan, oficialnan a bisa na e conferencia anual di e cuerpo anti-doping ayera.

“Ta cla cu e smaak di e caso aki ta hopi desagradable ora bo ta mira cu a haci un escogencia pa sacrifica un atleta na lugar di indica ken en realidad a yud’e dope,” director general di WADA, Olivier Niggli a bisa.

Valieva a ricibi un suspension di cuatro aña for di Corte di Arbitrahe pa Sport (CAS) na januari despues di un apela-



cion di WADA. E tabatin 15 aña di edad ora su test positivo pa un remedi pa curason prohibi a keda revela na e Weganan di Winter 2022 na Beijing, y despues a culpa un postre di strawberry prepara pa su welo. E tabata e unico persona castiga, a pesar cu e Codigo Mundial Anti-Doping ta duna mandato cu hende trahando cu atletanan menor di edad implica den casonan di doping tambe mester keda investiga.

E responsabilidad pa conduci

e investigacionnan en cuestion ta cay riba autoridadnan nacional, y no tin señal cu coach famoso di Valieva, Eteri Tutberidze y staff di sosten medico ta bay para responsable na Rusia. Na lugar di esaki, aña pasa a otorga Tutberidze un di e honornan mas halto di Rusia autorisa pa presidente Vladimir Putin.

Niggli a reconoce cu “e evidencia no t’ey” pa vincula e coach directamente cu caso di doping di Valieva, sugeriendo cu “talbes e physio, talbes e

dokter” tabata involucra. Asina mes, WADA a confirma cu ta sinti cu e adultonan responsable pa caso di Valieva a eludi e sistema anti-doping. “Nos ta kere cu e atleta no a tuma e substancia aki su so, e no tabata su iniciativa,” presidente di WADA, Witold Banka a bisa AP den un entrevista. “El a enfrente e consecucionnan.” “Nunca ta nice ora nos ta mira un atleta castiga y nos ta sinti cu un persona cu realmente tabata responsable pa esaki for di Rusia ta liber di acusacion,” Banka a agrega, lamentando cu “e situacion geopolitico actual” no ta bay permiti un investigacion nombra pa WADA na Rusia.

Valieva y oficialnan di sport Ruso a entrega un apelacion contra e veredicto di CAS na corte supremo di Suisa, cu por interveni a base limita di abuso di proceso legal. E corte federal tipicamente ta tuma al menos varios luna pa duna un veredicto.

Suspension di e atleta ta programa pa caduca na decem-

ber 2025 – apenas tres siman despues di e proximo revision global di e codigo anti-doping organisa pa WADA. E reunion aki ta programa tuma lugar na Busan, Sur Korea.

“Talbes e caso aki (di Valieva) ta muestra con importante e ta pa nos mehora e sistema anti-doping. Nos ta haciendo e awo,” Banka a bisa.

Den apelacionnan fresco na CAS, Valieva y oficialnan di schaats Ruso ta retando e consecucionnan di su descalificacion for di Olimpiada na Beijing. Realocacion di punto di ISU den evento di team a baha e Rusonan for di medaya di oro pa brons, otorgando e titulo Olimpico na Merca.

Team Canada, cu a keda na di cuatro lugar na Beijing, tambe a apela na CAS pa haya brons. E corte no a duna un fecha pa husga e ronda mas recien di apelacion.

Nunca a otorga e medayanan di evento di team na Beijing pa motibo di e caso di Valieva.

Luca Nardi ta sorprende idolo di su infancia y rango top Novak Djokovic cu victoria na Indian Wells



(AP) — Luca Nardi a usa un combinacion di forma y poder pa sorprende e idolo di su infancia, y top-seed Novak Djokovic cu un victoria 6-4, 3-6, 6-3 di aluna nochi den e di tres ronda di e BNP Paribas Open.

Nardi, kende tin rango No. 123, a clausura su sorpresa enorme riba e hungador No. 1 den e clasificacion cu un ace. E atleta di 20 aña di edad for di Italia a drop su racket

y a pone su man riba su cara casi sin por kere, prome cu a acerca Djokovic na e net.

“E ta un milagro,” Nardi a bisa den un entrevista despues di e partido riba Tennis Channel. “Mi ta un guy di 20 aña, 100 na mundo, y derrotando Novak. Pues, loco. Loco.”

Poniendo e tono trempan cu su tironan duro, Nardi a frustra Djokovic henter anochi. Tabatin un momento

unda Nardi a keda sorprende cu un yamada “in” y casualmente a dal e bala back riba e net. Esaki a resulta den un winner y a conduci Djokovic na keha cerca e oficial tocante un potencial estorbo.

Pa pensa cu Nardi tabata casi na caminda back pa cas. El a drenta e field como un “perdedor cu suerte”, cual ta un hungador cu a tropica riba e ultimo obstaculo den clasificacion, pero a logra drenta e main draw como remplaso pa un hungador lesiona cu a retira prome cu e prome ronda. Den caos di Nardi, el a substitui No. 30, Tomas Martin Etcheverry y a ricibi un bye door di ronda di apertura.

El a converti den e hungador di menor rango pa derota Djokovic den un evento di nivel Grand Slam or ATP Masters 1000, superando No. 122 Kevin Anderson na 2008 na Miami.

Usando un combinacion di agresividad y finesse, Nardi tabatin Djokovic, e 24-bi-aha campeón di Grand Slam

singles for di Serbia ken el a lanta ta admira, sonriendo y sacudiendo su cabes na momentonan den un mescla di sorpresa y shock.

Nardi tabata leu di ta intimidada tampoco, contestando e tironan bon poni di Djokovic cu regresonan bon poni di su mes.

“Prome cu e awe nochi, niun hende tabata conoce mi,” segun Nardi, kende awo ta bay enfrente e Mericano, Tommy Paul den ronda di 16. “Mi ta spera awo cu e publico a dis-

fruta di e wega. Mi ta super contento cu esaki.”

Djokovic sigur no tabata sa dje hopi tocante Nardi, solamente loke a logra descifra mirando e hunga. E tabata sa cu Nardi tin un bon wega baseline, specialmente cu e forehand, y ta move bon.

“El a yega e main draw como un ‘perdedor cu suerte’, pues realmente e no tabatin nada di perde. Pues el a hunga great,” Djokovic a bisa. “Merece pa gana. Mi tabata mas sorprendi cu mi nivel. Mi nivel tabata realmente, realmente malo.”



Cas di Cultura ta celebra Dia di Himno y Bandera

Cas di Cultura lo celebra dia di Himno y Bandera cu un programa di actividad amplio pa henter famia. Desde 10'or di mainta te cu 3'or di atardi, mucha y adulto lo por entretene nan mes den esfera di nos dia nacional.

Programa di actividad

E team dinamico di Cas di Cultura a prepara diferente actividad manera Face Painting, Arts & Crafts, un Photo Booth, Dino Jump y mucho mas pa entretene e muchanan presente. Tambe, lo tin un mercado di artesanía local.

Festival di sopi

Cas di Cultura ta conoci pa



su dushi surtido di sopi riba dia di Himno y Bandera. E aña aki e menu sigur lo conta cu sopi di oester, sop'i pampuna, sop'i carni, erwtensoe y mosterdsoep. Tur aña e benta di sopi ta hopi gusta y e ta un forma pa recauda fondo pa Cas di Cultura, cual ta wordo haci posibel cu e ayu-

do di diferente patrocinado generoso.

Concierto pa mucha

Pa 12:30 di merdia, Jaderick Croes hunto cu su amigonan musical lo presenta e concierto pa mucha "Amigonan di Cunucu", unda muchanan lo

por disfruta di musica y instrumento "live". E chikitinan lo descubri e mundo di maraviya y e diferente bestianan cu ta biba den cunucu,

Entrada pa e celebracion di dia di Himno y Bandera na

Cas di Cultura ta gratis. Pa cada actividad por cumpra tokens pa participa. Riba e pagina di Facebook di Cas di Cultura por haya mas informacion tocante e evento y e programacion completo di Cas di Cultura.

Celebracion na Biblioteca pa Dia di Himno y Bandera



Biblioteca ta ofrece un programa festivo dialuna awor 'Dia di Himno y bandera'. Lo tin cuminda crioyo y cos dushi, presentacion musical, weganan popular cu HungaTeca, baile y benta di buki segunda mano.

Tin un programa atractivo pa tur. Y e Mercado di Buki segunda mano di mas grandi riba nos isla. Orario ta di 9or pa 3or. Busca bo bukinan, un bon cuminda y pasa bon un rato den dushi ambiente. Un feliz Dia di Himno y bandera pa tur!

Resultado Sorteo <i>Maart 12</i>			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
9628	4062	4768	2180
9411	4119	SUPER5	8511
9461	8272	77646	9337

MERDIA	ANOCHI	
Sorteo # 4208	Sorteo # 8193	Sorteo #
2263	1760	Joker Letter
8991	2366	0 x Jackpot
9995	2980	0 x Match 4+
		0 x Match 4
FP	FP	0 x Afl. 12,00
		110.000,-
Sorteo # 4208	Sorteo # 7237	
2391	0768	07-12-13-23-25
		Sorteo # 6414
X3	X3	0 x Jackpot
		7 x Match 4
Sorteo # 2264	Sorteo # 1942	179 x Afl 8,00
9946	7514	79.000,-
Sorteo # 4208	Sorteo # 5996	Sorteo # 1644
3542	1277	Mega Ball 07
Aries	Piscis	0 x Jackpot
		1 x match 4
Sorteo # 1082	Sorteo # 926	3 x Afl. 500,00
075	609	42 x Afl 50,00
		52 x Afl. 15,00
FP	X2	Afl. 370.000,-
		Sorteo #

Cambio den prijs di productonan petrolero 13 maart 2024

255.6	236.4	215.8
+10.2 ct/ltr	+8.6 ct/ltr	+5.7 ct/ltr
Gasoline unleaded-premium	Diesel LS	Kerosin
: 255,6 cen p/ltr. (+	: 236,4 cen p/ltr. (+	: 215,8 cen p/ltr. (+
	8,6 cen)	5,7 cen)
		E prijsnan ta inclui BBO/BAZV/BAVP.

Minister di Asuntonan Economico, Comunicacion y Desaroyo Sostenibel ta anuncia e prijsnan nobo di benta di combustibel entrante 13 maart 2024:



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad:	San Nicolas:
Paradera	San Nicolas
Tel. 588 6638	Tel. 584 4833
EMERGENCIA	911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

Aruba Transfer Tour & Taxi C.A.
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Exprodesk cu invitacion pa cuminsa e celebracion dia di Himno y Bandera diabierna awo na 'Aruba Showcase Event'

Departamento di Asuntonan Economico, Comercio y Industria y su unidad Exprodesk ta organisa 'Aruba Showcase Event- Promocion y Exhibicion di productonan di Aruba y e lansamento di e Webpage Aruba Showcase' na Sun Plaza Mall dia 15 maart 2024 di 6:30pm pa 9:00pm y entrada lo ta completamente gratis! 'N Fuzion lo t'ey pa duna ambiente y entretene publico presente. Bar y cushina lo ta bon surti y lo ta na encargo di Chichi's Snack Truck & Catering. Sr. Geoffrey Wever, minister di Asunto Economico, Comunicacion y Desaroyo Sostenibel lo ta presente pa e lansamento di e webpage y evento.

Pueblo di Aruba, prepara pa un evento espectacular cu no solamente lo resalta e variedad di productonan produci localmente sino cu tambe lo ta e lansamento di e 'Web page Aruba Showcase'. 'Aruba Showcase Event' ta bay ta un celebracion dobel, brindando pueblo di Aruba e oportunidad pa bin explora e diversidad di productonan di calidad halto cu Aruba tin pa ofrece. 'Aruba Showcase Event' kier asina fungi como un plataforma unda negoshinan local por exhibi y potencialmente bende nan productonan, contribuyendo na Aruba su economia y cultura vibrante y asina refleha e creatividad y innovacion di empresarionan Arubano.

'Aruba Showcase Event'

1. Exhibicion di productonan "Original di Aruba": tur presente lo tin e oportunidad pa experimenta pa nan mes y cumpra un variedad di articulonnan produci localmente, cu ta e.o. pica, cosmetica (habon, makeup, desodorante, proteccion solar, etc.), chuculati, productonan masculino pa barba, siga completamente produci na Aruba, obranan di arte, diferente biña y likeur di casho y honing, tequila di mango y coco traha cu awa di nos lama, prendanan di glas di lama, badpak, paña y accesorio di moda (sostenibel) y mucho mas.

2. Lansamento di e 'Webpage Aruba Showcase': e evento lo lansa oficialmente e 'Web page Aruba Showcase' cu lo brinda un plataforma digital



pa tur negoshi local promove y bende mas producto despues di e evento. E web page tin como meta pa conecta nos negoshinan local cu un audiencia mas amplio y asina fomenta crecemento economico y amplia e alcance di nos productonan local riba nivel mundial.

Ainda tin oportunidad pa tur negoshi, cu tin un producto local, pa expone esakinan riba e 'Web page Aruba Showcase'. Pa por considera bo negoshi of producto como 'di origen local' tin algun rekisito cu mester cumpli cune. E rekisitonan cu ta necesario ta lo siguiente:

- Negoshi local mester ta

registra na Kamer van Koophandel (KvK) y tin un vestigingsvergunning di Departamento di Asuntonan Economico, si ta aplicabel;

- Producto mester ta completamente original di Aruba (materia prima y e producto final ta traha/transforma/procesa na Aruba);

- Den caso cu e producto NO ta completamente original di Aruba, e mester tawata 'transforma/procesa' na Aruba (e materia prima lo por bin di afo pero e producto final mester ta traha/transforma/procesa na Aruba).

Pa registra pa e oportunidad aki lo mester manda un e-mail na: s.meijer@deaci.aw.

Loke ta necesario pa registra ta:

- Un descripcion di e producto (maximo 150 palabra);
- Potret di e producto;
- Informacion di contacto, links di e website y/of Facebook y/of Instagram;
- "Letter of Consent" yena y firma. (Esaki ta mand'e via e-mail na momento cu registra).

Pa mas informacion over di e evento y web page "Aruba Showcase", y con pa participa, por tuma contacto cu Sra. Sharon Meijer via: s.meijer@deaci.aw

Pronostico di tempo

Tempo:

Awe tardi y awe nochi: parcialmente nubla y generalmente seco
Den marduga y mañan: parcialmente nubla sin awasero di importancia


Temperatura maximo 32 grado Celsius
Temperatura minimo 26 grado Celsius
Indice di calor (heat index) den y rond di oranan di merdia: 33 pa 38 grado Celsius
UV index: 10

Bahada di solo : 6:50 pm
Subida di solo : 6:48 am

Biento:

Moderate te basta fuerte for di direccionnan generalmente oost;
Forsa 4 te 5 (20 te 39 km/ora, 11 te 21 nudo).
Den dia fuerte te posiblemente duro den rafaga;
Forsa 6 te 7 (40 te 61 km/ora, 22 te 33 nudo).

Situacion general di tempo pa proximo 24 ora:
Durante proximo 24 ora



no ta spera cambianan significante den e clima cu tin actualmente. Extension di un area di presion halto riba Atlantico lo mantene clima generalmente seco. Humedad leve den partinan mas abou di atmosfera lo por induci un awasero pasahero den oranan di marduga y mainta trempan.

Condicionnan maritimo/estado di lama:

Na partinan protegi di costa: keto, rond di 1 pia.
Na partinan zuid: trankil te modera, entre 2 pa 3 pia.
Na partinan oost te noordwest di costa: generalmente modera cu olanan di 4 pa 6 pia.

Hiring

driver & shopper for grocery delivery company. Contact: info@groceriestogoaruba.com 217619

TA BUSCA

CM Cooling Mechanic & General Services ta busca "Koelmonteur" Por jama na Tel.593-3327 217616

Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra Violencia Relacional

Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel.297-582-2219
Fax 588-3376

Famia Planea (SBVO)

Avenida Milio J Croes 17 B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord (close to the hotels)
Tel: 736-2952 or 593-7081

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Dios ta amor... y amor ta Dios. Maske mi no ta na e mundu aki, tur dia lo mi ta banda di boso Curason, mi por stens di loke Señor ta haci"
Salmo 33



Cu hopi tristesa na nos curason, pero conforme cu boluntad di Dios, nos ta anuncia fayecimento di nos: Pintor, Compositor, Cantante, Poëta, Escritor, Chef, Yiu, Ruman, Esposo, Tata, Abuelo, Bisabuelo;

Joannes Donati

Conoci como 'Donati', 'Bubu' of 'Janchi'
* 14 - 05 - 1931 - † 06 - 03 - 2024

Na number di su casa: Catharina E. Donati - Kelly

Yiunan: Shirley (RIB) Donati & yiuonan
Sherwin Donati & Frida Helder & yiuonan
Joanne & Derwin Tromp - Donati & yiu

Mayornan: † Jacinto & † Armonica Donati - Geerman

Stima mescos Yiu: Mayra Donati & Famia
Reggie Donati & Famia
Magalie Donati & Famia
Jessica v/d Kamp & Famia
Debbie Boekhoudt
Janina (Inche) Boekhoudt & Famia
Gianna Boekhoudt & Famia

Nieto(a) & Bisanieta(a):
Shurella - Tessaly - Shahairo - Sheila - Urbine - Aldwin - Omar
Sherwin jr. - Jowensley (Joey) su Compay.
Josiah - Kyrie - Jeriel - Gillianne - Jodi - Akon - Uriel Jael - Axel
Giomar - Giandra - Neytan - Joavently - Jonairo - Jaeda.

Rumanan:
† Elisabeth & † Mariano "Wawa" Petrocchi - Donati & Famia
† Veronica & † Theo Dubois - Donati
† Marcelino Donati
Jose & † Susita "Lulu" Donati - Geerman & Famia
Louisa & † Juan Maduro - Donati & Famia
Simon Donati & Ria Kok
Stefanita & Coby Geerman - Donati & Famia
Cresencio Donati & Timi Bakker

Suegro (a):
† Julian & † Regina Kelly - Christiaans

Swa & Cuña (nan):
Louisa & Pedro Henriquez - Kelly & Famia
Samuel & Jeanette Kelly - Chow & Famia
Aparicio & Sira Kelly - Semeleer & Famia
Cosma Kelly & Famia
Lydia & Ronald Heide - Kelly
Maria Bernadeta Kelly & Famia
Irene Kelly & Famia
Michael Kelly & Famia
† Pedro Julio Kelly

Subrino y subrinanan, primo y primanan, famianan cerca, amigonan di infancia y amigonan di cas.

Bon Bisiña: Carmen Flanegin & Famia

Un danki di curason na Hospitaal Dr. Horacio Oduber y muy especial e dokternan & team di afdeling B4.

Demas famianan: Donati - Kelly - Geerman - Tromp - Corasol - Helder - v/d Kamp - de Freitas - Williams - Ricardson - Bak - Narain - Orozco - Tellez - Boekhoudt - Petrocchi - Maduro - Dubois - Quandus - Wever - Ruiz - Wathey - Winterdaal - Oduber - Wernet - Koning - Donk - Kok - Bakker - Christiaans - Henriquez - Heide - Chow - Semeleer - Bolluijt.

Nos disculpa si den nos tristesa nos por a lubida di menciona algun number.

Ta invita pa e acto di entierro lo tuma lugar diaranson 13 di maart 2024 na Royal Funeral Home
Di 9am - 11 am, despues lo sali pa Santana Catolico Pastoor Kraanwinkel na Paradera.

Nos ta lamenta cu despues di entierro nos no por ricibi bishita di condolencia na cas.

Aurora

Royal Pray

Funeral Home & Crematory

"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa".
Salmo: 23



Cu profundo tristesa na nos curason nos ta anuncia fayecimento di:

Rafaela Maria Croes

*24-10-1939 †08-03-2024

Na number di su:
Compañero: †Pedrito Erasmus

Yiunan: Diana Erasmus
Janine Croes

Mescos cu yiu: Jeremy Dirksz
Adonai Henry

Rumannan: †Efraim, Frida Croes-Schönherr y famia
Aurora Croes y famia
Aura, Janaika y Juleeza Croes
Osbaldo Croes
Rudolf Croes y famia
†Robert (Robby), Justina Croes-Werleman y famia
Rosimbo (Timo), Maria Croes-Maduro y famia

Swa y Cuñanan: †Jacobo, †Rufina Erasmus-Boekhoudt y famia
†Vicente, †Ida Erasmus-Gill y famia

†Juanita Erasmus
Sira, Juan Semeleer Erasmus y famia
†Ita Erasmus y famia
†Elio, Antonia Erasmus-Martinez y famia
Annie, Erwin Vis-Erasmus y famia
Bettie, Casin Giel-Erasmus y famia
Norma Erasmus y famia

Ihanan: Sergio Tromp, Gregory Donata, Gio Franken
Primo y primanan, sobrino y sobrinanan, bon bisñanan y na tur bon amistad nan di cas.
Amiga di cas: Maureen Dirks, Dayla Maduro

Bon amiganan: Dita Wever, Mercedes Pieters, Eileen Snijders,
Manirma Lampe, Vilma Tromp, Lucila Croes

Demas famianan: Croes, Erasmus, Schönherr, Werleman, Maduro,
Boekhoudt, Gill, Semeleer, Martinez, Vis y Giel

Nos ta invita tur famia y conoçirnan pa asisti na e acto di entierro cual lo tuma lugar na Kerki Protestant na Piedra Plaat diamars 19 di maart 2024, di 9'or pa 11'or di mainta. Despues lo sali pa Santana Protestant na Piedra Plaat.

Nos disculpa si den nos tristesa nos por a lubida di menhona un of otro number di famia y of amistad, nos ta lamenta cu despues di entierro nos no por ricibi bishita na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

WONDERFUL MOTHER

God made a wonderful mother,
A mother who never grows old;
He made her smile of the sunshine.
And He moulded her heart of pure gold;
In her eyes He placed bright shining stars,
In her cheeks fair roses you see;
God made a wonderful mother,
And He gave that dear mother to us.



"PATRICK O'REILLY"

Cu dolor na nos curason, nos ta participa fayecimento di nos kerida mama stima:

Sra. vda. Filomena T. Laclé

Cariñosamente yama "Mena"
*22-06-1951 - †11-03-2024

Acto di despedida lo wordo anuncia despues

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Mino a muri Dios a hibami na un paraíso priminti.
Señor ta mi wardador, Mi'n tin falta di nada "



Salmo:23

Cu inmenso dolor na nos curason pero conforme cu Dios su boluntad nos ta anuncia fayecimento inesperadamente di nos Tata, Ruman, Welo y Bisawelo Stima:

Ricardo Julian Thomas

Mihor conosi como: "Shonri / Chompi Chompi"
*09-01-1940 ~ †08-03-2024

Na number di su:
Esposa: †Maxima (Maxi) Ramona Colina E/V Thomas

Yiunan:
Richard (Ricky) Thomas
Rubert (Ruby) Thomas
Ryangela Thomas

Nieto(a)nan:
Rysbel, Ryanis, Rayziel, Ricardo, Brizzie, Ryalin y Ryseph

Bisanieta(a)nan: Roan, Rylena, Roos y Racon

Rumannan:
†Lucasio (Rudy) Thomas y Famia
Rosa Irausquin E/V Thomas y Famia
Rosendo Thomas y Famia
Rita Thomas y Famia
Reinalda (Reina) Maduro E/V Thomas y Famia
†Elvira Thomas y Famia
Nelson Thomas y Famia

Tanta: Fabia Perez y Famia nan na Hulanda

Swa, Sobrino(a)nan y demas Famia na Venezuela, Aruba, Bonaire, Curacao y Hulanda

Mihor amigonan na Venezuela:
Ernesto German y Famia
Alberto Diaz y Famia
Sofia Quilotte y Famia
Felix Olivares y Famia

Demas Famia: Thomas, Colina, Angela, Castellano, Franken, Veltman, Geerman, Bryson, Hodge, Irausquin, Maduro, Quandt, Perez, Prada, Hoek, Semeleer, Raghunath, Tromp, Laclé, Akkari, Henriquez, Roch, De Lannoy, Ras, Sint-Jago, Refunjol, Fowett, Nuesh, Nava.

Ta invita pa e acto di entierro cu lo tuma lugar Diaweb 14 di Maart 2024 di 2:00pm pa 4:00pm na Aurora Funeral Home.
Despues lo Sali pa Santana Central na Sabana Basora.

Nos disculpa si den nos tristesa nos por a lubida algún famia of conoci.

Nos ta lamenta cu despues di entierro nos no ta ricibi bishita di condolencia na cas.

Ta pidi pa tur cu lo ta presenta pa bisti e siguiente coloman:
Blauw cla, Blanco, Beige

Aurora

Royal Pray

Funeral Home & Crematory

"Señor ta mi wardador, mi no tin falta di nada.
Den cunucu di yerba berde e ta pone mi sosega"
Salmo 23: 1,2



Cu hopi dolor na nos curazon pero conforme cu Dios su boluntad nos ta participa cu a fayece na Ocala Florida nos esposa, mama, wela, ruman, tanta, sobrina y prima stima

Ivy Marcia Tang Yuk-Comenencia

*05-06-1963 - †01-03-2024

Acto di ceremonia di despedida lo wordo anuncia despues.

Alemania ta lansa contract di carbon pa apoya produccion industrial “climate-friendly”

(AP)—E vice canciyer di Alemania a lansa un programa diamars cu un balor inicial di 4 biyon euro pa yuda industria cambia pa produccion mas respetuoso na clima durante un periodo di 15 año.

Alemania, cual ta cas di hopi industria di energia como e economia mas grandi den Europa, tin e meta pa recorta su emision di gas di efecto invernadero pa net cero pa 2045. E gobierno, cual ta bisa e industria ta conta pa aproximadamente un-quinto di e emisionnan di e pais, ta bisa cu Alemania ta e prome den Union Europeo pa lansa e yamado “contracto di carbon pa cambio.”

Companianan den areanan manera papel, glas, hero y produccion di kimica tin cu-atro luna pa puntra pa apoyo bao di e contractonan, cual mester compensa pa e extra costonan di procesonan di produccion “climate-friendly” unda nan lo ta competitivo otro manera. Apoyo lo ta limita na 1 biyon euro pa cada industria cu entrega peticion den un esfuerso pa acomoda



companianan mas chikito.

Gobierno ta bisa cu pa cambia pa metodonan di produccion nobo ta esencial pero actualmente ta bin cu costo- y riesgonan halto cu ta causa cu companianan no lo kier inverti den nan—por ehempel, inciertud tocante prijsnan di hidrogeno den futuro.

Vice canciyer Robert Ha-

beck, ken tambe ta e minister di economia y clima na Alemania, a bisa cu e sistema di contracto ta comparable cu un proceso di aplicacion existente pa apoyo cu por tuma tres año pa completa.

El a bisa cu e ta “super eficiente den costo” pasobra compania lo ofrece pa haci produccion carbon-neutral mas economico posibel. “Pa

e companianan, tin e bentaha di por plania y calcula cu un prijs di energia vast pa 15 año,” el a agrega.

Peticion pa e prome ronda dia apoyo ta limita na companianan cu a experencia un procedura preparatorio año pasa. Companianan mester bisa bon hopi e lo costo pa nan preveni hopi emision di CO2 cu e tecnologia nobo.

E ministerio di Economia ta spera cu un segunda ronda di peticion pa apoyo di 19 biyon euro lo tuma luga fin di e año aki. E Federacion di Industrianan Aleman a mira e lansamento cu aprobacion. El a bisa cu “apoyo estatal ta necesario si e transformacion pa neutralidad climatico mes-ter ta exitoso den un periodo cortico.”

E hefe di Greenpeace na Alemania, Martin Kaiser, a bisa cu e contractonan nobo por solamente yuda modernisa industria si nan apoyo companianan cu no ta emiti CO2 por medio di usa tecnologia moderno y energia limpi.

Pero si esaki ser “diseña malo, contractonan di carbon pa cambia lo stroba e transicion aki,” por medio di mara e pais na tecnologia bieu y cu ta dañino pa clima, el a argumenta den un declaracion. E grupo a critica e plannan cu Habeck, un miembro di e partido ambiental, a anuncia luna pasa pa permiti wardamento di carbon bao tera na sitionan costero.

Merca:

Huesnan na North Carolina ta blokea cambio di directiva electoral promovi pa Republicano

(AP)—E legislatura di North Carolina, cual ta bao control di e Republicanonan (GOP), a purba inhustamente kita e poder di e gobernador pa eligi miembronan di e directiva electoral, segun e huesnan a dicidi mientras nan a bisa cu porcionnan di e ley di eleccion nobo mester ser blokia permanentemente.

E panel di tres hues a uni unanimamente cu gobernador Democratico Roy Cooper den e caso entrega algun dia despues cu e Asamblea General di e GOP a anula e veto di Cooper pa e medida den october. E cambionan, cual tabata plania pa tuma efecto den januari otro año, lo a transferi podernan di apuntamento den e directiva for di e gobernador pa e legislatura.

Den november, e panel temporalmente a blokia e estructuranan nobo pa e Directiva

Estatu di Eleccion y directivanan den tur 100 condado di tuma efecto mientras e caso di Cooper ta den proceso. E huesnan a acorda cu e abogado di Cooper, ken a bisa, a base di huicionan recien y e constitucion estatal, e proceso di apuntamento nobo ta stroba e habilidad di gobernador pa sigura cu leynan di eleccion y votacion ta ser “eherce fielmente.”

Ta obvio cu e ley “ta stroba e debenan constitucional di e gobernador” y accionnan pa e lidernan legislativo di e GOP “ta e eliminacion mas crudo y flagrante di e poder di nombramento di e Gobernador” desde e huicionan di e Corte Supremo Estatal na 2016 y 2018 cu a bay den favor di e hefe ehecutivo, segun huesnan di Corte Superior Edwin Wilson, Andrew Womble y Lori Hamilton a skirbi den e ordenansa entrega dialuna. Hamilton y Womble ambos ta Republicano



canonan registra, mientras cu Wilson ta un Democrat.

E decision ta nifica cu e directivanan lo keda bao di e sistema di ley anterior, cu e excepcion si esaki ser cambia riba apelacion. Republicanonan a keda encurasha despues cu a gana huicionan importante den e Corte Supremo desde cu esaki a cambia na comienso di 2023 for

di un mayoria Democratico di 4-3 pa un mayoria Republicano di 5-2.

Pa varios año, Republicanonan na e Asamblea General a pusha sin exito pa cambia e composicion di e directiva estatal, cual nan a bisa lo promove consenso bipartidano den eleccion y decisionnan di votacion. Nan a keda frustra

pa ambos huicionan di corte y un amienda constitucional cu votadonan a rechasa na 2018.

Cooper a bisa den un declaracion cu e directiva estatal “ta sigui mantene e standardnan mas halto di husticia y lidernan Republicano mester stop cu nan esfuerso pa controla e votacion y sembra caos prome cu e eleccion den november.”

E huicio, data diabierna pasa, tambe a para un elemento clave adicional di cambionan cu e Republicanonan a aproba na 2023. Esakinan tabata entre e reformanan di votamento mas extensivo den e estado cu a ser aproba año pasa y ta sigui un trend entre legislaturanan estatal Republicano pa aproba restricciones di votacion. E leynan ey a surgi despues cu ex-presidente Donald Trump a cuminsa declara incorrectamente cu fraude a cost’e su re-eleccion na 2020.

Al menos 7 morto y 38 rescata despues cu a descubri boto di migrante cerca di Islas Canarias

(AP)—A descubri dos curpa den un boto di migrante tumando e biahe riesgoso pero popular for di West Africa pa e Islas Canarias di Spaña, y sobrevivientenan a bisa cu cinco otro persona a muri y a ser laga den lama, segun e rescatadornan marítimo di Cruz Cora a bisa diamars.

Tabatin 38 sobreviviente. E migrantenan a sali for di Noaukchott, e capital di Mauritania, 10 dia prome, segun coordinador di Cruz Cora Spaño, José Antonio Rodríguez Verona. Un nave di comercio a mira nan drif dialuna anochi aproximadamente 140 kilometer sur di Gran Canaria. A hiba 12 sobreviviente na un hospital riba e isla incluyendo

cuatro den condicion critico, e Servicio di Rescate Marítimo y Cruz Cora a bisa. E sobrevivientenan a bin di Mauritania, Mali y Costa de Marfil y a inclui shete hende muhe, Rodríguez Verona a bisa.

Nan a conta rescatadornan cu cinco persona a muri durante e biahe y a ser laga den e ocean, manera el a agrega. Autoridadnan Spaño ta experienciando un aumento den migrante- y refugiadonan cu ta huy for di pobreza, conflicto y inestabilidad den West Africa bay den direccion di e archipelagonan, cual nan ta uza como un destinacion temporario pa por yega na e continental di Europa.

E aumento aki a causa Union

Europeo pa anuncia un partnership di migracion nobo cu Mauritania na februari cu ta inclui 210 miyon euro pa e nacion aborda traficacion y para salidanan.

Casi 12,000 hende a yega den e Canarias den e prome dos luna di aña, segun e ministerio di Asunto Interior Spaño, mas cu seis biaha e cantidad pa e mesun periodo aña pasa.

Mayoría migrante a sali for di Mauritania riba botonan di piscado chikito conoci como piragua y a nabega pa varios dia den biontonan y coriente fuerte di e ocean Atlantico. Mientras cu miles a sobrevivi e biahe aki, hopi a muri of a desapare duran-



te e biahe, cu restonan surgien- do na e otro banda di e Atlantico.

Siman pasa a descubri dos piragua cu a sali for di Mauritania drif centenares di kilometer leu den bisindario di e nacion archi-

pelago Cape Verde, polis a bisa. 11 sobreviviente a ser rescata for di un boto y cinco mas for di e otro, aunke un persona a muri despues. A redescubri cinco curpa y nan ta pensa cu tin decenas mas perdi riba lama.

Restauracion
Cas Veneranda

UN EDIFICIO ICONICO TA SER RESCATA DEN CENTRO DI ORANJESTAD

Pabien Aruba!
Minister Geoffrey Wever

Ministerio di Asuntunan Economico,
Comunicacion y Desaroyo Sostenibel